

摘藻堂四庫全書薈要

史部

欽定四庫全書薈要卷七千八十五

史部

資治通鑑卷九十九

宋司馬光撰

胡三省音註

晉紀二十一

起重光大淵獻盡閼  
逢攝提格凡四年

孝宗穆皇帝中之上

永和七年春正月丁酉日有食之 苻健左長史賈玄

碩等請依劉備稱漢中王故事

事見六十八卷漢獻  
帝建安二十四年

表

健為都督關中諸軍事大將軍大單于秦王

玄碩欲表  
言之於晉

朝單音蟬

健怒曰吾豈堪為秦王邪且晉使未返

使疏吏翻

我之

官爵非汝曹所知也既而密使梁安諷玄碩等上尊號

上時掌翻

健辭讓再三然後許之丙辰健即天王大單于位

苻健字建業洪第三子

國號大秦大赦改元皇始追尊父洪為武

惠皇帝廟號太祖立妻強氏為天王后

強其兩翻氏姓也

子萇

為太子靚為平原公

萇仲良翻靚疾正翻

生為淮南公靚為長樂

公

樂音洛方為高陽公碩為北平公騰為淮陽公柳為晉

公桐為汝南公廋為魏公

廋所鳩翻

武為燕公幼為趙公以

苻雄為都督中外諸軍事丞相領車騎大將軍雍州牧

東海公

雍於用翻

苻菁為衛大將軍平昌公宿衛二宮

二宮健所

居及子萇所居也

雷弱兒為太尉毛貴為司空略陽姜伯周為

尚書令梁楞為左僕射

楞盧登翻

王墮為右僕射魚遵為太

子太師強平為太傅段純為太保呂婆樓為散騎常侍

散悉亶翻騎奇寄翻

伯周健之舅平王后之弟婆樓本略陽氏酋

也

酋慈由翻

段龕請以青州內附二月戊寅以龕為鎮北

將軍封齊公

段龕據廣固始上卷上年龕苦舍翻

魏主閔攻圍襄國百



餘日

去年十一月閏攻襄國

趙主祗危急乃去皇帝之號稱趙王

去羌呂翻

遣太尉張舉乞師於燕許送傳國璽

璽斯氏翻

中軍將

軍張春乞師於姚弋仲弋仲遣其子襄帥騎二萬八千

救趙

帥讀曰率

誠之曰冉閔弃仁背義屠滅石氏

事見上卷五年六年

背蒲妹翻

我受人厚遇

謂石虎遇之厚也

當為復讐老病不能自行

汝才十倍於閔若不梟擒以來不必復見我也

為于偽翻梟堅

堯翻復扶又翻

弋仲亦遣使告於燕

使疏吏翻下同

燕主雋遣禦難將

軍悅綰

禦難將軍蓋慕容氏創置難乃旦翻

將兵三萬往會之冉閔聞雋

欲救趙遣大司馬從事中郎廣寧常煒使於燕雋使封

裕詰之曰冉閔石氏養息

息子也詰去吉翻

負恩作逆何敢輒

稱大號煒曰湯放桀武王伐紂以興商周之業曹孟德

養於宦官莫知所出卒立魏氏之基

曹操事見六十八卷漢靈帝中平元

年操字孟德卒子恤翻

苟非天命安能成功推此而言何必致問

裕曰人言冉閔初立鑄金為己像以卜成敗而像不成

信乎煒曰不聞裕曰南來者皆云如是何故隱之煒曰

姦偽之人欲矯天命以惑人者乃假符瑞託著龜以自

重

著升脂翻

魏主握符璽據中州受命何疑而更反真為偽

取決於金像乎裕曰傳國璽果安在煒曰在鄴裕曰張

舉言在襄國煒曰殺胡之日在鄴者殆無子遺

子吉列翻孤也

單也言無孤

時有逆漏者皆潜伏溝瀆中耳

爾雅水注谷曰溝水

單得遺者

注瀆曰瀆逆北諍翻

彼安知璽之所在乎彼求救者為妄誕之辭

無所不可況一璽乎雋猶以張舉之言為信乃積柴其

旁使裕以其私誘之曰君更熟思無為徒取灰滅

誘音酉

煒正色曰石氏貪暴親帥大兵攻燕國都雖不克而返

事見九十六卷成帝  
咸康四年帥讀曰率

然志在必取故運資糧聚器械於

東北者非以相資乃欲相滅也

事見九十六卷  
咸康四年六年

魏主誅

翦石氏雖不為燕臣子之心聞仇讐之滅義當如何而

更為彼責我不亦異乎

異猶言可怪  
也為于偽翻

吾聞死者骨肉下

于土

下戶  
嫁翻

精寃升于天蒙君之惠速益薪縱火使僕得

上訴於帝足矣左右請殺之雋曰彼不憚殺身以徇其

主忠臣也且冉閔有罪使臣何預焉

使疏  
吏翻

使出就館使

其鄉人趙瞻往勞之

勞力  
到翻

且曰君何不以實言王怒欲

處君於遼碣之表

遼海及碣石為遼碣杜佑曰盧龍漢肥如縣有碣石山碣然而立在海旁

秦築長城所起自碣石在今高麗舊界非此碣石也趙瞻所謂遼碣蓋即杜佑所言者也處昌呂翻

奈何

煒曰吾結髮以來尚不欺布衣況人主乎曲意苟合性

所不能直情盡言雖沈東海不敢避也

沈持林翻

遂卧向壁

不復與瞻言

復扶又翻

瞻具以白雉雉乃囚煒於龍城趙

并州刺史張平遣使降秦

使疏吏翻降戶江翻

秦王以平為大將

軍冀州牧

燕王雋還薊

自龍城還薊薊音計

三月姚襄及趙

汝陰王琨各引兵救襄國

琨自信都進兵救襄國

冉閔遣車騎將

軍胡睦拒襄於長蘆

水經注漳水過堂陽縣西分為二水其右水東北注出石間謂之長

蘆水長蘆水西逕堂陽縣故城南又東逕九門陂又東逕扶郿縣五代志隋置長蘆縣屬河間郡劉昫曰長蘆

漢參戶縣地

將軍孫威拒琨於黃丘

魏收地形志鉅鹿郡郡縣有黃丘鄆苦么翻

皆敗還士卒略盡閔欲自出擊之衛將軍王泰諫曰今

襄國未下外救雲集若我出戰必覆背受敵

覆當作腹

此危

道也不若固壘以挫其銳徐觀其釁而擊之

釁隙也

且陞

下親臨行陳

行戶剛翻陳讀曰陣

如失萬全則大事去矣閔將止

道士法饒進曰陛下圍襄國經年無尺寸之功今賊至

又避不擊將何以使將士乎

將即亮翻

且太白入昴當殺胡

王

晉天文志昴七星為旄頭胡星也

百戰百克不可失也閔攘袂大言

曰吾戰決矣敢沮衆者斬

攘如羊翻沮在呂翻

乃悉衆出與襄琨

戰悅綰適以燕兵至去魏兵數里䟽布騎卒曳柴揚塵

䟽讀與踈同騎

魏人望之恟懼

自棘城之敗趙人固畏燕兵見其至而勢盛故

竒寄翻下同

恟懼恟許拱翻

襄琨綰三面擊之趙王祗自後衝之魏兵大敗

果如王泰之言腹背受敵而敗

閔與十餘騎走還鄴降胡栗特康等執

大單于胥及左僕射劉琦以降趙趙王祗殺之

果如韋謏之言

史言冉閔不能用羣策以取敗降戶江翻單音蟬

胡睦及司空石璞尚書令徐

機中書監盧諶等并將士死者凡十餘萬人

劉隗盧諶不能為晉

死而卒死於兵人誰不死責得其死所耳諶是壬翻

閔潛還人無知者鄴中震恐

訛言閔已沒射聲校尉張艾請閔親郊以安衆心

親出郊

郊祀也

閔從之訛言乃息閔支解灋饒父子

解剥其支體而殺之贈

韋謏大司徒

謏死見上卷上年謏蘇烏翻

姚襄還灡頭

灡書涉翻

姚弋仲

怒其不擒閔杖之一百初閔之為趙相也

相息亮翻

悉散倉

庫以樹私恩與羌胡相攻無月不戰趙所徙青雍幽荆



四州之民

石虎破曹嶷徙青州之民破劉肅石生再徙雍州之民破段匹磾及為燕所敗徙幽州之

民石勒南掠江漢徙荆州之民雍於用翻

及氏羌胡蠻數百萬口以趙法禁

不行各還本土道路交錯互相殺掠其能達者什有二

三中原大亂因以飢疫人相食無復耕者

復扶又翻

趙王祗

使其將劉顯帥衆七萬攻鄴

帥讀曰率

軍于明光宮

此明光宮石氏

所建也

去鄴二十三里魏主閔恐召王泰欲與之謀泰恚

前言之不從辭以瘡甚

戰敗被傷故因以瘡甚辭恚於避翻

閔親臨問之

泰固稱疾篤閔怒還宮謂左右曰巴奴乃公豈假汝為

命邪

王泰蓋巴蠻也乃公冉閔自謂也自漢高祖已有是語

要將先滅羣胡却斬

王泰乃悉衆出戰大破顯軍追奔至陽平

陽平縣漢屬東郡魏晉分

屬陽平郡而陽平郡治在魏郡東北宋白曰魏州莘縣漢為陽平縣後趙移陽平理館陶縣

斬首三

萬餘級顯懼密使請降

使疏更翻降戶江翻

求殺祇以自效閔乃

引歸有告王泰欲叛入秦者閔殺之夷其三族秦王

健分遣使者問民疾苦搜羅雋異寬重斂之稅弛離宮

之禁

趙修長安宮殿亦有離宮之禁斂力贍翻

罷無用之器去侈靡之服

去羌

呂凡趙之苛政不便於民者皆除之

史言符健所以能據有關中

杜洪張琚遣使召梁州刺史司馬勲夏四月勲帥步騎

三萬赴之

帥讀曰率  
騎奇奇翻

秦王健禦之於五丈原勲屢戰皆

敗退歸南鄭健以中書令賈玄碩始者不上尊號銜之

上時  
掌翻

使人告玄碩與司馬勲通并其諸子皆殺之 渤

海人逢約

逢皮  
江翻

因趙亂擁衆數千家附於魏魏以約為

渤海太守故太守劉準隗之兄子也土豪封放奕之從

弟也

從才  
用翻

別聚衆自守閔以準為幽州刺史與約中分

渤海燕王雋使封奕討約使昌黎太守高開討準放開

瞻之子也

高瞻見九十一卷  
元帝太興二年

奕引兵直抵約壘遣人謂

約曰相與鄉里隔絕日久

封奕本渤海人懷帝永嘉五年託於慕容廆見八十七卷

會遇甚難時事利害人皆有心非所論也願單出一相

見以寫佇結之情

人立而待之曰佇企望之情鬱積而不散曰結

約素信重奕

即出見奕於門外各屏騎卒

屏必郢翻騎寄寄翻

單馬交語奕與

論叙平生畢因說之曰與君累世同鄉情相愛重誠欲

君享祚無窮今既獲展奉

展省視也奉承也事也說翰尚翻

不可不盡

所懷冉閔乘石氏之亂奄有成資是宜天下服其彊矣

而禍亂方始固知天命不可力爭也燕王奕世載德

奕世

載德班彪王命論之言師古曰載乘也言相因不絕

奉義討亂所征無敵今已都

薊南臨趙魏遠近之民襁負歸之民厭荼毒

孔安國曰荼毒苦也

襁居兩翻

咸思有道冉閔之亡匪朝伊夕成敗之形昭然易

見

易以鼓翻

且燕王肇開王業虛心賢雋君能翻然改圖則

功叅絳灌慶流苗裔孰與為亡國將守孤城以待必至

之禍哉

將即亮翻

約聞之悵然不言奕給使張安有勇力

給使

在左右給使令者也

奕豫戒之俟約氣下安突前持其馬鞚

鞚空貢翻

因挾之而馳至營突與坐謂曰君計不能自決故相為

決之

為于偽翻

非欲取君以邀功乃欲全君以安民也高開

至渤海準放迎降

降戶江翻

雋以放為渤海太守準為左司

馬約參軍事以約誘於人而遇獲

誘音酉

更其名曰鈞

更工

衡翻

劉顯弑趙王祗及其丞相樂安王炳太宰趙庶等

十餘人傳首于鄴驃騎將軍石寧奔柏人

柏人縣自漢以來屬趙國

劉昫曰唐邢州堯山縣古之柏人城驃匹妙翻騎奇寄翻

魏主閔焚祗首于通衢拜

顯上大將軍大單于冀州牧

單音蟬

五月趙兖州刺史

劉啓自鄆城來奔

鄆城縣漢屬濟陰郡晉屬濮陽國唐為濮州治所鄆吉縣翻

秋

七月劉顯復引兵攻鄴

復扶又翻

魏主閔擊敗之

敗蒲邁翻

顯還

稱帝於襄國

八月魏徐州刺史周成兗州刺史魏統

荊州刺史樂弘豫州牧張遇以廩丘許昌等諸城來降

時周成據廩張遇據許昌丘降戶江翻

平南將軍高崇征虜將軍呂護執

洛州刺史鄭系以其地來降

時崇護以三河之地來降

燕王雋遣慕

容恪攻中山慕容評攻王午于魯口魏中山太守上谷

侯龕閉城拒守

龕苦舍翻

恪南徇常山軍于九門

九門縣自漢以來屬

常山郡 魏趙郡太守遼西李邽舉郡降恪厚撫之將邽還

圍中山侯龕乃降恪入中山遷其將帥土豪數十家詣

薊

將即亮翻帥所類翻薊音計

餘皆安堵軍令嚴明秋毫不犯慕容

評至南安王午遣其將鄭生拒戰評擊斬之悅綰還自

襄國雋乃知張舉之妄而殺之常煒有四男二女在中

山雋釋煒之囚使諸子就見之煒上疏謝恩雋手令答

曰卿本不為生計孤以州里相存耳

雋居昌黎煒居廣寧二郡皆屬幽州

今大亂之中諸子盡至豈非天所念邪天且念卿况於



孤乎賜妾一人穀三百斛使居凡城以北平太守孫興

為中山太守興善於綏撫中山遂安 庫儻官偉帥部

衆自上黨降燕

儻奴沃翻庫儻官漁陽烏桓大人庫儻之餘種按溫公與劉道原書以為庫當

作庫詳見前

姚弋仲遣使來請降

趙弋仲乃降晉史言其盡忠於石

例庫音舍

氏使疏吏

冬十月以弋仲為使持節六夷大都督督江

翻下同

北諸軍事

江北恐當作河北

車騎大將軍開府儀同三司大單

于高陵郡公

騎奇寄翻單音蟬

又以其子襄為持節平北將軍

都督并州諸軍事并州刺史平鄉縣公 逢鈞亡歸渤海

海招集舊衆以叛燕樂陵太守賈堅

考異曰燕書賈堅傳烈祖問堅年

對以受新命始及三載烈祖悅其言拜樂陵太守按堅以去年九月獲於燕至明年始三年若未為樂陵太守豈能安集諸縣告諭逢鈞故知堅先已為樂陵太守非因問年而授使人告諭鄉人示以

成敗鈞部衆稍散遂來奔吐谷渾葉延卒子碎奚立

晉書作辟奚按一百三卷簡文帝咸安元年鍾惡地殺三弟事亦當作辟奚

初桓溫聞石

氏亂上䟽請出師經略中原

溫蓋上䟽於五年出屯安陸之時

事久不

報溫知朝廷仗殷浩以抗已甚忿之然素知浩之為人亦不之憚也以國無他釁遂得相持彌年羈縻而已八

州士衆資調殆不為國家用

永和元年溫都督荆司雍益梁寧六州五年遣滕駿

帥交廣之兵伐林邑蓋是時已加督交廣二州矣資財也調賦也調徒釣翻

屢求北伐詔書

不聽十二月辛未溫拜表輒行帥衆四五萬順流而下

軍於武昌

帥讀曰率

朝廷大懼殷浩欲去位以避溫又欲以

騶虞幡駐溫軍吏部尚書王彪之言於會稽王昱曰此

屬皆自為計非能保社稷為殿下計也

會工外翻

若殷浩去

職人情離駭天子獨坐當此之際必有任其責者非殿下而誰乎又謂浩曰彼若抗表問罪卿為之首事任如

此謂浩當朝政也

猜釁已成

謂浩與溫有隙也

欲作匹夫豈有全地邪

且當靜以待之令相王與手書

相息亮翻

示以款誠為陳成

敗彼必旋師若不從則遣中詔又不從乃當以正義相

裁

謂正溫舉兵向闕之罪

奈何無故忿忿先自猖獗乎

忿倉紅翻

浩曰

決大事正自難頃日來欲使人悶聞卿此謀意始得了

了決也

彪之彬之子也

王敦之亂彬能守正彪之可謂克紹矣

撫軍司馬高

崧

昱為撫軍大將軍以崧為司馬

言於昱曰王宜致書諭以禍福自當

返旆如其不爾便六軍整駕逆順於茲判矣

言溫若不還則當整

六師奉順  
討逆也

乃於坐為昱草書曰寇難宜平時會宜接

謂是

時中原豪傑相繼來降有恢復之會宜應接之也難乃旦翻坐祖卧翻為于偽翻下同

此實為國

遠圖經略大算能弘斯會非足下而誰但以比興師動

衆要當以資實為本

比毗寐翻

運轉之艱古人所難不可易

之於始而不熟慮

易以鼓翻

頃所以深用為疑惟在此耳然

異常之舉衆之所駭遊聲噂啗

噂祖本翻啗徒合翻噂啗聚語也

想足

下亦少聞之

少詩沼翻

苟患失之無所不至

論語孔子之言

或能望

風振擾一時崩散如此則望實並喪

喪息浪翻

社稷之事去

矣皆由吾闇弱德信不著不能鎮靜羣庶保固維城

詩曰

宗子維城

所以內愧於心外慙良友吾與足下雖職有內外

安社稷保國家其致一也

致極也言事理詣極之地則一也

天下安危

繫之明德當先思寧國而後圖其外使王基克隆大義

弘著所望於足下區區誠懷豈可復顧嫌而不盡哉

復扶

又翻溫即上疏惶恐致謝回軍還鎮朝廷將行郊祀會

稽王昱問於王彪之曰郊祀應有赦否彪之曰自中興以來郊祀往往有赦愚意常謂非宜凶愚之人以為郊

必有赦將生心於微幸矣

微堅堯翻

豈從之

燕王雋如龍

城 丁零翟鼠帥所部降燕封為歸義王

丁零居中山其後翟斌等

皆其種類也  
帥讀曰率

八年春正月辛卯日有食之 秦丞相雄等請秦王健

正尊號依漢晉之舊不必效石氏之初

謂石虎兄弟皆先稱天王後即

皇帝位 健從之即皇帝位大赦諸公皆進爵為王且言單

于所以統一百蠻非天子所宜領

此亦雄等之言也單音蟬

以授太

子萇 司馬勲既還漢中杜洪張琚屯宜秋

水經注鄭渠自中山

西瓠口東流逕宜秋城北又東逕  
中山南又東逕池陽縣故城北

洪自以右族輕琚琚

遂殺洪自立為秦王改元建昌 劉顯攻常山魏主閔

留大將軍蔣幹使輔太子智守鄴自將八千騎救之顯

大司馬清河王寧以棗彊降魏

棗彊縣前漢屬清河郡後漢晉省尋復置屬信

都閔擊顯敗之

敗補

追奔至襄國顯大將軍曹伏駒開

門納閔閔殺顯及其公卿已下百餘人

考異曰閔殺顯晉帝紀在正

月十六國春秋鈔在二月燕書在三月己酉未知孰是今從帝紀

焚襄國宮室遷其民

於鄴趙汝陰王琨以其妻妾來奔斬於建康市石氏遂



絕

自古無不亡之國宗族誅夷固亦有之未有至於絕姓者石氏窮凶極暴而子孫無遺種足以見天道之

不爽

尚書左丞孔嚴言於殷浩曰比來衆情良可寒

心

比毗至翻

不知使君當何以鎮之愚謂宜明受任之方韓

彭專征伐蕭曹守管籥

事見漢高帝紀曹參當高帝時從韓信用兵其後相齊未嘗守

管籥嚴以蕭曹相繼為相而言之

內外之任各有攸司深思廉藺屈身

之義

事見四卷周赧王三十六年

平勃交歡之謀

事見十三卷漢高后七年

令穆

然無間

穆然和而靜之貌間古覓翻

然後可以保大定功也

嚴欲浩與桓溫

兩釋猜嫌降心相從以圖國事也保大定功左傳楚莊王所謂武有七德此其二也觀近日降附

之徒皆人面獸心貪而無親恐難以義感也

段龕張遇姚襄之徒

孔嚴固見其肺肝矣降戶江翻

浩不從嚴愉之從子也

從才用翻

浩上疏請

北出許洛詔許之以安西將軍謝尚北中郎將荀羨為

督統

晉志曰四中郎將並後漢置歷魏及晉並有其職江左彌重時謝尚鎮壽春荀羨鎮京口浩欲兩道

俱進故便二人並為督統各統其方之兵

進屯壽春謝尚不能撫尉張遇

尉與

慰遇怒據許昌叛使其將上官恩據洛陽樂弘攻督護

戴施於倉垣浩軍不能進三月命荀羨鎮淮陰尋加監

青州諸軍事

監工衙翻

又領兗州刺史鎮下邳

乙巳燕王

雋還薊稍徙軍中文武兵民家屬於薊

自北徙其家屬而南又恐其懷

居而無樂遷之心故稍徙之

姚弋仲有子四十二人及病謂諸子

曰石氏待吾厚吾本欲為之盡力

為于偽翻

今石氏已滅中

原無主我死汝亟自歸於晉當固執臣節無為不義也

弋仲卒子襄祕不發喪帥戶六萬南攻陽平元城發干

破之屯于碣磝津

帥讀曰率下同襄自瀾頭而南也元城縣漢屬魏郡晉屬陽平郡發干縣

漢屬東郡晉屬陽平郡劉昫曰唐魏州莘縣漢陽平縣地碣磝城即漢東郡在平縣故城其西南即河津謂之碣磝津後魏置濟州於碣磝城杜佑曰碣磝即今濟陽郡城碣口交翻碣音教楊正衡曰碣五勞翻碣口勞翻

毛晃曰碣丘交翻碣牛交  
翻或曰碣音確碣音交

以太原王亮為長史天水尹

赤為司馬太原薛瓚略陽權翼為參軍

姓譜權本顓頊之後楚武王使

閩緡尹權因以為氏韓愈權德輿墓碑曰殷武丁之子  
降封於權權江漢間國也周衰入楚為權氏瓚藏旱翻

襄與秦兵戰敗亡三萬餘戶南至滎陽始發喪又與秦

將高昌李歷戰于麻田

高昌李歷本趙將也時附於秦故稱秦將滎洛之間地名有豆

田麻田各因人所種莖而名之

馬中流矢而斃

中竹仲翻

弟萇以馬授襄

萇仲

良翻襄曰汝何以自免萇曰但令兄濟豎子必不敢害萇

會救至俱免尹赤奔秦秦以赤為并州刺史鎮蒲阪襄

遂帥衆歸晉送其五弟為質

致質音

詔襄屯譙城襄單騎

度淮見謝尚于壽春尚聞其名命去仗衛幅巾待之

奇騎

寄翻去丘呂翻

歡若平生襄博學善談論江東人士皆重之

魏主閔既克襄國因遊食常山中山諸郡趙立義將軍

段勤聚胡羯萬餘人保據繹幕

繹幕縣漢以來屬清河郡

自稱趙帝

夏四月甲子燕王雋遣慕容恪等擊魏慕容霸等擊

勤魏主閔將與燕戰大將軍董閏車騎將軍張溫諫曰

騎奇寄鮮卑乘勝鋒銳且彼衆我寡宜且避之俟其驕

情然後益兵以擊之閔怒曰吾欲以此衆平幽州斬慕

容雋今遇恪而避之人謂我何司徒劉茂特進郎閔相

謂曰吾君此行必不還矣吾等何為坐待戮辱皆自殺

閔苦亥翻

閔軍于安喜

安喜縣前漢曰安險屬中山郡後漢章帝更名唐復為安險縣

又音開

屬定州而定州所治之安喜縣漢盧奴縣也

慕容恪引兵從之閔趣常山

七趣

喻翻恪追之及于魏昌之廉臺

魏昌縣屬中山郡本苦經漢章帝改為漢昌魏

文帝改為魏昌唐為定州唐昌縣魏收地形志中山母極縣有廉臺蓋晉省無極縣廉臺遂在魏昌界

閔

與燕兵交戰燕兵皆不勝閔素有勇名所將兵精銳

將即

亮翻燕人憚之慕容恪巡陳

陳讀曰陣

謂將士曰冉閔勇而無

謀一夫敵耳其士卒飢疲甲兵雖精其實難用不足破

也閔以所將多步卒

將即亮翻

而燕皆騎兵引兵將趣林中

恪參軍高開曰吾騎兵利平地若閔得入林不可復制

復扶又翻

宜亟遣輕騎邀之既合而陽走誘致平地然後可

擊也

誘音西

恪從之魏兵還就平地恪分軍為三部謂諸

將曰閔性輕銳又自以衆少必致死於我我厚集中軍

之陳以待之

少詩沼翻陳讀曰陣下同

俟其合戰卿等從旁擊之無

不克矣乃擇鮮卑善射者五千人以鐵鎖連其馬為方

陳而前閔所乘駿馬曰朱龍日行千里閔左操兩刃矛

右執鉤戟以擊燕兵斬首三百餘級望見大幢知其為

中軍直衝之燕兩軍從旁夾擊大破之恪以鐵鎖連馬則閔兵雖致死

而陳不可破兩軍從旁夾擊則閔兵三面受敵不敗何待操千刀翻幢直江翻圍閔數重重直龍翻

閔潰圍東走二十餘里朱龍忽斃為燕兵所執燕人殺

魏僕射劉羣執董閔張溫及閔皆送於薊董閔當作董閔再閔自立

事始上卷六閔子操奔魯口高開被創而卒創初良翻慕容



恪進屯常山雋命恪鎮中山己卯冉閔至薊雋大赦立  
閔而責之曰汝奴僕下才何得妄稱帝閔曰天下大亂  
爾曹無仁無義之徒猶稱帝况我中土英雄何得不稱  
帝邪雋怒鞭之三百送於龍城慕容霸軍至繹幕段勤  
與弟思聰舉城降

降戶江  
翻下同

甲申雋遣慕容評及中尉侯

龕帥精騎萬人攻鄴

龕苦  
含翻

癸巳至鄴魏蔣幹及太子智

閉城拒守城外皆降於燕劉寧及弟崇帥胡騎三千奔

晉陽

劉寧劉顯將也以衆  
強降閔帥讀曰率

秦以張遇為征東大將軍

豫州牧 五月秦主健攻張琚於宜秋斬之 鄴中大

饑人相食故趙時宮人被食略盡

被皮義翻

蔣幹使侍中繆

嵩詹事劉猗奉表請降且求救於謝尚

繆靡幼翻

庚寅燕王

雋遣廣威將軍慕容軍殿中將軍慕容興根右司馬皇甫

真等帥步騎二萬助慕容評攻鄴 辛卯燕人斬冉閔

於龍城會大旱蝗燕王雋謂閔為崇

崇雖遂翻神禍曰崇

遣使祀

之謚曰悼武天王 初謝尚使戴施據枋頭

遣施之時指令據枋

頭 施聞蔣幹求救乃自倉垣徙屯棘津

棘津即石濟南津有棘津亭

止幹使者求傳國璽

璽斯氏翻

劉猗使繆嵩還鄴白幹幹疑

尚不能救沈吟未決

沈持林翻

六月施帥壯士百餘人入鄴

助守三臺紹之曰今燕寇在外道路不通璽未敢送也

卿且出以付我我當馳白天子天子聞璽在吾所信卿

至誠必多發兵糧以相救餉幹以為然出璽付之施宣

言使督護何融迎糧陰令懷璽送于枋頭

江南之未得璽也中原謂

之白板天子傳國璽至此歸晉簡相如全璧歸趙趙王

擢之自繆賢舍人為上大夫妻戴施能復致累代傳國之

寶未聞晉朝以顯

賁甄之也何居甲子蔣幹帥銳卒五千及晉兵出戰

慕容評大破之斬首四千級幹脫走入城 甲申秦主

健還長安

自宜秋還長安也

謝尚姚襄共攻張遇于許昌秦

主健遣丞相東海王雄衛大將軍平昌王菁略地關東

帥步騎二萬救之丁亥戰于潁水之誠橋

據晉紀誠橋在許昌

尚

等大敗死者萬五千人尚奔還淮南襄棄輜重送尚于

芍陂

重直用翻

尚悉以後事付襄

謝尚既敗姚襄知晉之不足恃固有去晉之心矧殷

浩又從而速之乎

殷浩聞尚敗退屯壽春秋七月秦丞相雄徙

張遇及陳頴許洛之民五萬餘戶於關中

張遇據有許頴豈肯歛手

受羈制於人乎苻雄乘勝以兵威以右衛將軍楊羣為徒之自此遇之死命制於苻氏矣

豫州刺史鎮許昌謝尚降號建威將軍趙故西中郎

將王擢遣使請降拜擢秦州刺史

王擢自石虎時當秦隴之任降戶江翻下

同

丁酉以武陵王晞為太宰丙辰燕王雋如中山

壬午聞魏敗時鄧恒已死

恒戶登翻

午自稱安國王八月

戊辰燕王雋遣慕容恪封奕陽驚攻之午閉城自守送

冉操詣燕軍燕人掠其禾稼而還

慕容恪善用兵知魯口之未可取徒久攻

以斃士卒故掠其禾稼全師而退金城湯池非粟不守孤城之外春取其麥而秋取其禾彼將焉仰哉還從宣

翻又  
如字

庚午魏長水校尉馬願等開鄴城納燕兵戴施

蔣幹懸縋而下

縋直  
偽翻

犇于倉垣慕容評送魏后董氏太

子智太尉申鍾司空條枚等

條姓也周亞夫封  
條侯其後以為氏

及乘輿

服御于薊

乘繩  
證翻

尚書令王簡左僕射張乾右僕射郎肅

皆自殺燕王雋詐云董氏得傳國璽獻之賜號奉璽君

賜冉智爵海賓侯以申鍾為大將軍右長史命慕容評

鎮鄴桓溫使司馬勲助周撫討蕭敬文於涪城斬之

蕭敬文據涪城始九十  
七卷永和三年涪音浮

謝尚自枋頭迎傳國璽至建

康百僚畢賀 秦以雷弱兒為大司馬毛貴為太尉張

遇為司空 殷浩之北伐也中軍將軍王羲之以書止

之不聽既而無功復謀再舉

復扶又翻下  
所復故復同

羲之遺浩書

曰今以區區江左天下寒心固已久矣

寒心者恐不能  
自保遺于季翻

力爭武功非所當作

作為也

自頃處內外之任者

處昌呂  
翻下而

處同未有深謀遠慮而疲竭根本各從所志竟無一功可

論遂令天下將有土崩之勢任其事者豈得辭四海之

責哉

言殷浩不得  
辭其責也

今軍破於外資竭於內保淮之志非

所復及莫若還保長江督將各復舊鎮

將即亮翻

自長江以

外羈縻而已引咎責躬更為善治

治直吏翻

省其賦役與民

更始庶可以救倒懸之急也

保江之說此王導佐元帝之規摹世之議者譏其忘

讐忍恥置中原於度外若以量時度力保固本根言之此策未為非也至於引咎責躬省民賦役所謂善敗不

亡諸葛孔明街亭喪師之後正亦如是而已

使君起於布衣任天下之重當

董統之任而敗喪至此

喪息浪翻

恐闇朝羣賢未有與人分

其謗者

朝直遙翻

若有以前事為未工故復求之分外

分扶問翻

宇宙雖廣自容何所此愚智所不解也

解胡買翻曉也其後殷浩廢黜



卒如義之之言又與會稽王昱牋曰為人臣誰不願尊其主比

隆前世況遇難得之運哉顧力有所不及豈可不權輕

重而處之也

處昌呂翻

今雖有可喜之會內求諸已而所憂

乃重於所喜功未可期遭黎殲盡勞役無時徵求日重

以區區吳越經緯天下十分之九不亡何待而不度德

量力

度徒洛翻量音良

不敝不已此封內所痛心歎悼而莫敢

吐誠者也往者不可諫來者猶可追

論語載楚狂接輿之言

願殿

下更垂三思先為不可勝之基須根立勢舉謀之未晚

兵法曰先為不可勝以待敵之可勝

若不行

此處文意短蹙恐有脫文

恐麋鹿之游將

不止林藪而已

吳伍子胥曰臣恐麋鹿游於姑蘇此祖其意而微其言澤無水曰藪

願殿

下斲廢虛遠之懷

義之此言蓋譏昱好談清虛玄遠也

斲與暫同以救倒懸之

急可謂以亡為存轉禍為福也不從九月浩屯泗口遣

河南太守戴施據石門滎陽太守劉遜據倉垣浩以軍

興罷遣太學生徒學校由此遂廢

元帝建武元年始立太學今復以軍興廢

校戶冬十月謝尚遣冠軍將軍王俠攻許昌克之

冠古教翻

狎戶秦豫州刺史楊羣退屯弘農徵尚為給事中戍石

頭 丁卯燕王雋還薊 故趙將擁兵據州郡者各遣

使降燕

將即亮翻使疏吏翻降戶江翻

燕王雋以王擢為益州刺史夔

逸為秦州刺史張平為并州刺史李歷為兗州刺史高

昌為安西將軍劉寧為車騎將軍 慕容恪屯安平

安平

縣前漢屬涿郡後漢屬安平國晉屬博陵郡唐屬深州

積糧治攻具將討王午

治直

翻之 丙戌中山蘇林起兵於無極

無極縣漢屬中山國晉省無本作母唐武后萬

歲通天二年始改母字為無此當作母

自稱天子恪自魯口還討林閏月

戊子燕王雋遣廣威將軍慕容興根助恪攻林斬之王午

為其將秦興所殺呂護殺興復自稱安國王

復扶又翻

燕羣

僚共上尊號於燕王雋雋許之

上時掌翻

十一月丁卯始置

百官以國相封奕為太尉左長史陽鶩為尚書令右司

馬皇甫真為尚書左僕射典書令張悌為右僕射

悌香衣翻

其餘文武拜授有差戊辰雋即皇帝位大赦自謂獲傳

國璽改元元璽追尊武宣王為高祖武宣皇帝文明王

為太祖文明皇帝

鹿謚武宣王號謚文明王

時晉使適至燕

使疏吏翻

雋

謂曰汝還白汝天子我承人乏為中國所推已為帝矣

謂中國無主已為士民所推遂承人乏而即尊位也

改司州為中州建留臺於龍

都

趙置司州於鄴燕初都龍城時遷于薊故建留臺於龍城謂之龍都

以玄菟太守乙逸

為尚書專委留務

菟同都翻

秦丞相雄攻王擢于隴西擢

奔涼州雄還屯隴東

隴東漢汧縣地

張重華以擢為征虜將軍

秦州刺史特寵待之

重華寵待王擢以圖秦隴豈知擢非苻雄之敵也

九年春正月乙卯朔大赦

二月庚子燕主雋立其妃

可足渾氏為皇后

為可足渾后亂燕張本可足渾北方三字姓

世子曄為皇

太子皆自龍城遷于薊宮

張重華遣將軍張弘宋修

會王擢帥步騎萬五千伐秦

帥讀曰率  
騎奇寄翻

秦丞相雄衛將

軍菁拒之大敗涼兵於龍黎

新唐書地理志隴州吳山縣有龍盤府龍盤城吳山

後魏之南由縣地疑龍黎即龍盤也敗補邁翻

下所敗同斬首萬二千級虜張弘宋

修王擢奔秦州犇姑臧秦主健以領軍將軍苻願為秦

州刺史鎮上邽

三月交州刺史阮敷討林邑破五十

餘壘

趙故衛尉常山李犢聚眾數千人叛燕

西域

胡劉康詐稱劉曜子聚眾於平陽自稱晉王夏四月秦

左衛將軍苻飛討擒之

以安西將軍謝尚為尚書僕

射 五月張重華復使王擢帥衆二萬伐上邽

復扶又翻

秦

州郡縣多應之苻願戰敗奔長安重華因上疏請伐秦

詔進重華涼州牧

燕主雋遣衛將軍恪討李犢犢降

降戶江翻下同

遂東擊呂護於魯口

六月秦苻飛攻氐王楊

初於仇池為初所敗

楊初據險以拒秦秦兵雖彊故為初所敗敗補邁翻

丞相雄

平昌王菁帥步騎四萬屯于隴東秦主健納張遇繼母

韓氏為昭儀數於衆中謂遇曰

數所角翻

卿吾假子也遇耻

之因雄等精兵在外陰結關中豪傑欲滅苻氏以其地

來降秋七月遇與黃門劉晃謀夜襲健晃約開門以待

之會健使晃出外晃固辭不得已而行遇不知引兵至

門門不開事覺伏誅於是孔持起池陽劉珍夏侯顯起

鄠喬秉起雍胡陽赤起司竹呼延壽起灊城

池陽縣漢屬馮翊晉

屬扶風唐為雲陽縣屬京兆鄠縣漢屬扶風晉屬始平郡唐屬京兆雍縣漢屬扶風唐改為天興縣為鳳翔府

治所霸陵縣漢屬京兆晉改曰霸城喬秉載記作衆數

喬景避唐諱也孔持作孔特鄠音戶雍於用翻

萬人各遣使來請兵

使疏吏翻下同

秦以左僕射魚遵為司

空九月秦丞相雄帥衆二萬還長安

帥讀曰率下同

遣平昌



王菁略定上洛置荊州于豐陽川

上洛縣漢西都屬弘農郡東漢屬京兆武

帝泰始二年分置上洛郡豐陽川在郡界續漢志南陽郡析縣有豐陽城後魏太安二年置豐陽縣左傳所謂

司馬起豐析即其地劉昫曰唐商州豐陽縣漢商縣地晉分商縣置豐陽縣因豐陽川為名

以步兵

校尉金城郭敬為刺史雄與清河王瀾苻飛分討孔持

等姚襄屯歷陽以燕秦方彊未有北伐之志乃夾淮

廣興屯田訓厲將士

將即亮翻

殷浩在壽春惡其強盛

惡烏路翻

下同囚襄諸弟屢遣刺客刺之

刺之七亦翻

刺客皆以情告襄

安北將軍魏統卒

魏統來降見上七年

弟憬代領部曲浩潛遣憬

帥衆五千襲之襄斬憬并其衆

憬古迫翻

浩愈惡之使龍驤

將軍劉啓守譙

驤思將翻

遷襄于梁國蠡臺

司馬彪郡國志睢陽縣有盧門

亭城內有高臺甚秀廣巍然介立超焉獨上謂之蠡臺杜預曰盧門宋城南門也續述征記曰迴道似蠡故謂

之蠡臺蠡如字若如迷征記之說音盧戈翻

表授梁國內史魏憬子弟數往

來壽春

數所角翻

襄益疑懼遣參軍權翼使於浩浩曰身與

姚平北共為王臣休戚同之平北每舉動自專甚失輔

車之理宣所望也

左傳曰輔車相依杜預注曰輔頰輔車牙車車尺奢翻

翼曰平

北英姿絕世擁兵數萬遠歸晉室者以朝廷有道宰輔

明哲故也今將軍輕信讒慝之言與平北有隙愚謂猜

嫌之端在此不在彼也浩曰平北姿性豪邁生殺自由

又縱小人掠奪吾馬王臣之體固若是乎翼曰平北歸

命聖朝

朝直  
遙翻

豈肯妄殺無辜姦宄之人亦王灋所不容

也殺之何害浩曰然則掠馬何也翼曰將軍謂平北雄

武難制終將討之故取馬欲以自衛耳浩笑曰何至是

也

權翼之言得浩之情故笑  
史言浩不能緩御新附

初浩陰遣人誘梁安雷弱

兒使殺秦主健許以關右之任弱兒偽許之且請兵應

接浩聞張遇作亂健兄子輔國將軍黃耆自洛陽西奔

以為安等事已成冬十月浩自壽春帥衆七萬北伐

帥讀

曰欲進據洛陽修復園陵吏部尚書王彪之上會稽王

昱上時掌翻賤以為弱兒等容有詐偽浩未應輕進不從藉使

梁雷果受浩間而殺健浩亦未能越關陝以取長安其欲乘符黃眉之去而據洛陽不過欲以修復園陵為功耳昱遂以為真可立功而不聽王彪之言宜桓溫得因以廢浩而制昱也浩以姚襄為前

驅襄引兵北行度浩將至

度徒洛翻

詐令部衆夜遁陰伏甲

以邀之浩聞而追襄至山桑

山桑縣前漢屬沛郡後漢屬汝南郡晉屬譙郡按山

桑六朝兵爭為渦陽之襄縱兵擊之浩大敗弃輜重走地唐為亳州蒙城縣地

保譙城

重直龍翻

襄俘斬萬餘悉收其資仗使兄益守山桑

襄復如淮南

復扶又翻

會稽王昱謂王彪之曰君言無不中

仲竹仲翻

張陳無以過也

張陳謂張良陳平

西平敬烈公張重華

有疾子曜靈纔十歲立為世子赦其境內重華庶兄長

寧侯祚有勇力吏幹

水經注金城西平西北四十里有長寧亭晉室西平郡有長寧縣

而傾巧善事內外與重華嬖臣趙長尉緝等結異姓兄

弟

尉姓也左傳有鄭大夫尉止嬖卑義翻又博計翻

都尉常據請出之重華曰

吾方以祚為周公使輔幼子君是何言也

託孤之難尚矣況張重華

乎

謝艾以枹罕之功

事見九十七卷永和三年枹音膚

有寵於重華左

右疾之譖艾出為酒泉太守艾上疏言權倖用事公室

將危乞聽臣入侍且言長寧侯祚及趙長等將為亂宜

盡逐之十一月己未重華疾甚手令徵艾為衛將軍監

中外諸軍事輔政

監工銜翻

祚長等匿而不宣丁卯重華卒

世子曜靈立稱大司馬涼州刺史西平公趙長等矯重

華遺令以長寧侯祚為都督中外諸軍事撫軍大將軍

輔政

史言張氏之亂

殷浩使部將劉啓王彬之攻姚益于山

桑姚襄自淮南擊之啓彬之皆敗死

啓劉興之孫也

襄進據芍

陂趙末樂陵朱禿平原杜能清河丁嬈

嬈乃了翻又如紹翻

陽

平孫元各擁兵分據城邑至是皆請降於燕

降戶江翻

燕主

雋以禿為青州刺史能為平原太守嬈為立節將軍元

為兖州刺史各留撫其營

秦丞相雄克池陽斬孔持

十二月清河王濬苻飛克鄆斬劉珍夏戾顯

姚襄濟

淮屯盱眙

盱眙音怡

招掠流民衆至七萬分置守宰勸課

農桑

姚襄所為僅如此而晉人已為之震懼蓋奸雄所竊笑也

遣使詣建康罪狀殷

浩并自陳謝

使跪吏翻

詔以謝尚都督江西淮南諸軍事豫

州刺史鎮歷陽

以尚得襄之歡心既以招撫之又以備之

涼右長史趙長

等建議以為時難未夷宜立長君

難乃旦翻長知兩翻

曜靈冲幼

請立長寧侯祚張祚先得幸於重華之母馬氏馬氏許

之乃廢張曜靈為涼寧侯立祚為大都督大將軍涼州

牧涼公祚既得志恣為淫虐殺重華妃裴氏及謝艾

淫者

烝其君母虐者殺裴妃謝艾即此二端他所淫虐又其餘毒也

燕衛將軍恪撫軍將



軍軍左將軍彪等屢薦給事黃門侍郎霸有命世之才

宜總大任是歲燕主雋以霸為使持節安東將軍冀州

刺史鎮常山

冀州刺史鎮信都今置北冀州於常山

十年春正月張祚自稱涼王改建興四十二年為和平

元年

河西張氏乃心晉室奉建興年號至四十餘年張祚凶淫改元僭擬祖父之所不相也

立妻

辛氏為王后子太和為太子封弟天錫為長寧侯子庭

堅為建康侯

建康郡蓋張氏所置張茂分屬涼州

曜靈弟玄靚為涼武侯

靚疾正翻

置百官郊祀天地用天子禮樂尚書馬岌切諫坐

免官

爰魚及翻

郎中丁琪復諫曰我自武公以來

張軌謚武公復扶又

翻

世守臣節抱忠履謙五十餘年

履謙謂未嘗建國自王也惠帝永寧元年

張軌鎮涼土至是五十四年

故能以一州之衆抗舉世之虜師徒歲

起民不告疲殿下勲德未高於先公而亟謀革命臣未

見其可也彼士民所以用命四遠所以歸嚮者以吾能

奉晉室故也今而自尊則中外離心安能以一隅之地

拒天下之彊敵乎祚大怒斬之於闕下

自古職諫臣未有不亡者也

故魏降將周成反

周成降見上七年降戶江翻將即亮翻

自宛襲洛陽

宛於元

辛酉河南太守戴施奔鮪渚

水經注河水過河南鞏縣北有山臨河謂

之壘原丘其下有穴謂之鞏穴言潛通浦北達于河直穴有渚謂之鮪渚鮪于鮪翻

秦丞相雄

克司竹胡陽赤奔霸城依呼延毒

中軍將軍揚州刺

史殷浩連年北伐師徒屢敗糧械都盡征西將軍桓溫

因朝野之怨上疏數浩之罪請廢之

數所具翻

朝廷不得已

免浩為庶人徙東陽之信安

東陽郡本會稽西郡都尉吳孫皓寶鼎元年立即信

安縣漢獻帝初平三年分太末立新安縣武帝太康元年更名信安東陽郡唐為婺州信安縣唐為衢州治所

自此内外大權一歸於溫矣

史言晉氏失權由用殷浩違其才

浩少與

溫齊名

少詩  
照翻

而心競不相下溫常輕之浩既廢黜雖愁

怨不形辭色常書空作咄咄怪事字

咄當沒翻咄  
咄嗟咨語也

久之

溫謂掾郝超曰

掾于絹翻  
郝丑之翻

浩有德有言嚮為令僕足以

儀刑百揆朝廷用違其才耳將以浩為尚書令以書告

之浩欣然許焉將答書慮有謬誤開閉者十數竟達空

函溫大怒由是遂絕卒於徙所以前會稽內史王述為

揚州刺史

卒子恤翻  
會工外翻

二月乙丑桓溫統步騎四萬發

江陵水軍自襄陽入均口至南鄉

水經注順陽郡筑陽  
縣有涉都城沔水逕

東北均水於縣入沔謂之均口筑陽與南鄉縣屬漢皆屬南陽郡漢建安中分南陽右壤立南鄉郡二縣屬焉武

帝更名順陽郡成帝咸

康四年復曰南鄉郡

步兵自淅川趣武關

析縣前漢屬弘農郡

後漢屬南陽郡春秋之白羽也武關在其西文潁曰武

關去析縣百七十里賢曰析即今鄧州內鄉縣後魏置

淅川縣有淅水後

周併入內鄉縣

命司馬勲出子午道以伐秦

命勲從梁州出

師

燕衛將軍恪圍魯口三月拔之呂護奔野王遣弟

奉表謝罪於燕燕以護為河內太守

姚襄遣使降燕

使疏吏翻降戶江翻

燕王雋以慕容評為鎮南將軍都督秦雍

益梁江揚荆徐兗豫十州諸軍事權鎮洛水

雍於用翻

以慕容

容彊為前鋒都督督荆徐二州緣淮諸軍事進據河南

此河南謂大河之南

桓溫別將攻上洛獲秦荊州刺史郭敬進

擊青泥破之

青泥城在藍田縣南

司馬勲掠秦西鄙涼秦州刺史

王擢攻陳倉以應溫

趙亡王擢歸張氏故以涼繫之

秦主健遣太子萇

萇仲良翻

丞相雄淮南王生平昌王菁北平王碩帥眾五萬

軍于嶢柳以拒溫

土地記曰藍田縣南有嶢關地名嶢柳道通荊州晉地道記曰關當上洛

縣西北帥讀曰率下同嶢五聊翻

夏四月己亥溫與秦兵戰于藍田秦

淮南王生單騎突陳

騎奇寄翻下同陳讀曰陣

出入以十數殺傷晉

將士甚衆溫督衆力戰秦兵大敗將軍桓冲又敗秦丞

相雄于白鹿原

水經注霸川之西有白鹿原三秦記曰麗山西有白鹿原魏收地形志京兆藍

田縣有白鹿原又敗補邁翻

冲溫之弟也溫轉戰而前壬寅進至灊

上秦太子萇等退屯城南秦主健與老弱六千固守長

安小城悉發精兵三萬遣大司馬雷弱兒等與萇合兵

以拒溫二輔郡縣皆來降

降戶江翻

溫撫諭居民使安堵復

業民爭持牛酒迎勞

勞力到翻

男女夾路觀之耆老有垂泣

者曰不圖今日復覩官軍

復扶又翻

秦丞相雄帥騎七千

襲司馬勲於子午谷破之勲退屯女媧堡 戊申燕主

雋封撫軍將軍軍為襄陽王左將軍彭為武昌王以衛

將軍恪為大司馬侍中大都督錄尚書事封太原王鎮

南將軍評為司徒驃騎將軍封上庸王

驃 匹 妙 翻

封安東將

軍霸為吳王左賢王友為范陽王散騎常侍厲為下邳

王散騎常侍宜為廬江王

散 悉 宣 翻

寧北將軍度為樂浪王

樂 浪 音 洛 琅

又封弟桓為宜都王逮為臨賀王徽為河間王

龍為歷陽王納為北海王秀為蘭陵王嶽為安豐王德



為梁公默為始安公儻為南康公

儻主翻

子咸為樂安王

參考後卷咸當作臧

亮為勃海王溫為帶方王涉為漁陽王暉為

中山王以尚書令陽騫為司空仍守尚書令命冀州刺

史吳王霸徙治信都

去年霸治常山

初燕王皝竒霸之才故名

之曰霸將以為世子羣臣諫而止然寵遇猶踰於世子

由是雋惡之

惡鳥路翻下同

以其嘗墜馬折齒更名曰缺

更工衡翻

下同缺傾雪翻

尋以其應識文更名曰垂遷侍中錄留臺事徙

鎮龍城垂大得東北之和雋愈惡之復召還

雋雖忌垂卒之復燕

祚者垂也天之  
所置其可廢乎

五月江西流民郭敞等執陳留內史

劉仕降于姚襄

晉南渡後陳留郡寄治譙郡長垣縣界按載記劉仕時在堂邑

建康震

駭以吏部尚書周閔為中軍將軍屯中堂豫州刺史謝

尚自歷陽還衛京師固江備守王擢拔陳倉殺秦扶

風內史毛難北海王猛少好學

少詩照翻好呼到翻

倜儻有大

志不屑細務人皆輕之猛悠然自得隱居華陰

王猛傳猛北海

劇人家于魏郡徐統召而不應遂隱于華陰山華陰縣  
前漢屬京兆後漢晉屬弘農郡倜儻他狄翻華戶化翻

聞桓溫入關披褐詣之捫蝨而談當世之務

褐毛布蝨色櫛翻

旁若無人溫異之問曰吾奉天子之命將銳兵十萬為

百姓除殘賊

將即亮翻為于偽翻

而三秦豪傑未有至者何也猛

曰公不遠數千里深入敵境今長安咫尺而不度灊水

百姓未知公心所以不至溫嘿然無以應徐曰江東無

卿比也

猛蓋指出溫之心事以為溫之伐秦但欲以功名鎮服江東非真有心於伐罪弔民恢復境土

不然何以不渡灊水徑攻長安此溫所以無以應也然余觀桓溫用兵伐秦至霸上伐燕至枋頭皆乘勝進兵逼其國都乃持重觀望卒以取敗蓋溫奸雄也乘勝進兵逼其國都冀其望風畏威有內潰之變也逼其國都而敵無內變故持重以待之情見勢屈敵因而乘之故至於敗蕪子由所謂以智遇智則其智不足恃者此也

乃署猛軍謀祭酒溫與秦丞相雄等戰于白鹿原溫兵

不利死者萬餘人初溫指秦麥以為糧既而秦人悉芟

麥清野以待之溫軍乏食六月丁丑徙關中三千餘戶

而歸以王猛為高官督護

職為督護而加以高官也魏晉之間凡居節鎮者其部

將有督護其後又置高官督護

王敦鎮武昌有高官督護繆坦欲與俱還猛辭不就

不猛

肯從溫溫豈不欲殺之邪蓋溫軍已敗忽忽退師不暇殺之也

呼延毒帥衆一萬從溫

還

帥讀曰率

秦太子萇等隨溫擊之比至潼關

比必寐翻

溫軍屢

敗失亡以萬數溫之屯灊上也順陽太守薛珍勸溫徑

進逼長安

成帝改順陽曰南鄉郡既而復舊

溫弗從珍以偏師獨濟頗

有所獲及溫退乃還顯言於衆自矜其勇而咎溫之持

重溫殺之

秦丞相雄擊司馬勲王擢於陳倉

勲自女媧堡會

擢攻陳倉

勲奔漢中擢奔略陽

秦以光祿大夫趙俱為洛

陽刺史鎮宜陽

秦東海敬武王雄攻喬乘于雍

雍於用翻

丙申卒秦主健哭之嘔血曰天不欲吾平四海邪何奪

吾元才之速也

符雄字元才

贈魏王葬禮依晉安平獻王故

事雄以佐命元勲權侔人主而謙恭汎愛遵奉灋度故

健重之常曰元才吾之周公也子堅襲爵

堅襲爵東海王

堅性

至孝幼有志度博學多能交結英豪呂婆樓彊汪及略

陽梁平老皆與之善

苻堅事始此

燕樂陵太守慕容鉤翰

之子也

慕容翰有破高句麗滅宇文之功

與青州刺史朱禿共治厭次

厭於琰翻

鉤自恃宗室每陵侮禿禿不勝忿

勝音升

秋七月襲

鉤殺之南奔段龕

為後燕主誅禿張本

秦太子萇攻喬秉于雍

八月斬之關中悉平秦主健賞拒桓溫之功以雷弱兒

為丞相毛貴為太傅魚遵為太尉淮南王生為中軍大

將軍平昌王菁為司空健勤於政事數延公卿

數所角翻

咨

講治道

治直吏翻

承趙人苛虐奢侈之後易以寬簡節儉崇

禮儒士由是秦人悅之燕大調兵衆

調徒鈞翻發也

因發詔

之日號曰丙戌舉九月桓溫還自伐秦帝遣侍中黃

門勞溫于襄陽

侍中黃門侍郎自魏以來為要近之職勞力到翻

或告燕黃

門侍郎宋斌等謀奉冉智為主而反皆伏誅斌燭之子

也

宋燭見九十六卷成帝咸康四年斌音彬

秦太子萇之拒桓溫也為流

矢所中

中竹仲翻

冬十月卒謚曰獻哀

燕主雋如龍城

桓溫之入關也王擢遣使告涼王祚

使疏吏翻

言溫善用兵

其志難測祚懼且畏擢之叛已遣人刺之

刺七亦翻

事泄祚

益懼大發兵聲言東伐實欲西保敦煌

敦徒門翻

會溫還而

止既而遣秦州刺史牛霸等帥兵三千擊擢破之十一

月擢帥衆降秦

帥讀曰率降戶江翻

秦以擢為尚書以上將軍啖

鐵為秦州刺史

啖氏姓也毛晃曰音徒覽翻

秦王健叔父武都王

安自晉還

健遣安來請朝命見上卷六年

為姚襄所虜以為洛州刺史

十二月安亡歸秦健以安為大司馬驃騎大將軍并州




刺史鎮蒲阪

驃匹  
妙翻

是歲秦大饑米一升直布一匹

資治通鑑卷九十九



總校官庶吉士臣侍朝

校對官檢討臣王坦修

謄錄監生臣吳紹恩

欽定四庫全書叢要

史部

資治通鑑卷一百一

二百一

詳校官編修臣汪鏞



欽定四庫全書薈要卷七千八十六

史部

資治通鑑卷一百

宋 司馬光 撰

胡三省 音註

晉紀二十二

起旃蒙單閼盡屠  
維協洽凡五年

孝宗穆皇帝中之下

永和十一年春正月故仇池公楊毅弟宋奴使其姑子  
梁式王刺殺楊初初子國誅式王及宋奴自立為仇池  
公桓溫表國為鎮北將軍秦州刺史 二月秦大蝗百

草無遺牛馬相噉毛

無草可食故相噉毛噉徒濫翻又徒覽翻

夏四月燕

主雋自和龍還薊

燕主如龍城見上卷上年薊音計

先是幽冀之人以

雋為東遷

和龍直薊之東先悉薦翻

互相驚擾所在屯結羣臣請討

之雋曰羣小以朕東巡故相惑為亂耳今朕既至尋當

自定不足討也

蘭陵太守孫黑濟北太守高柱

守式又翻

濟子禮翻

建興太守高寗

寗蒲奔翻

及秦河內太守王會黎陽太

守韓高皆以郡降燕

史言燕疆諸反側子皆附之降戶江翻

秦淮南王

生幼無一目性粗暴其祖父洪嘗戲之曰吾聞瞎兒一

淚信乎

瞻許轄翻  
一目盲也

生怒引佩刀自刺出血曰此亦一淚

也洪大驚鞭之生曰性耐力槩不堪鞭捶

槩色角翻  
色止槩翻

洪

謂其父健曰此兒狂悖

悖蒲內翻  
又蒲沒翻

宜早除之不然必破

人家健將殺之健弟雄止之曰兒長自應改何可遽爾

及長力舉千鈞手格猛獸

格擊也長  
知兩翻

走及奔馬擊刺騎

射冠絕一時

騎奇寄翻冠  
古玩翻下同

獻哀太子卒

秦太子裝  
諡曰獻哀

彊后

欲立少子晉王柳

彊其兩翻  
少詩照翻

秦主健以識文有三羊五

眼乃立生為太子

為符生以凶暴  
不克紹張本

以司空平昌王菁為

太尉尚書令王墮為司空司隸校尉梁楞為尚書令

盧楞

登

姚襄所部多勸襄北還襄從之五月襄攻冠軍將

軍高季於外黃

外黃縣自漢以來屬陳留郡賈曰外黃故城在今汴州雍丘縣東冠古玩翻

會季卒襄進據許昌六月丙子秦主健寢疾庚辰平

昌公菁勒兵入東宮將殺太子生而自立時生侍疾西

宮

秦主所居為西宮

菁以為健已卒

卒子

攻東掖門健聞變登

端門陳兵自衛衆見健惶懼皆捨仗逃散健執菁數而

殺之

數所

餘無所問壬午以大司馬武都王安都督中

外諸軍事

符雄死健以菁都督中外諸軍菁以逆誅以安代之

甲申健引太師魚

遵丞相雷弱兒太傅毛貴司空王墮尚書令梁楞左僕

射梁安右僕射段純吏部尚書辛牢等受遺詔輔政健

謂太子生曰六夷酋帥及大臣執權者若不從汝命宜

漸除之

為符生虐殺大臣張本  
酋惡由翻帥所類翻

臣光曰顧命大臣所以輔導嗣子為之羽翼也為之

羽翼而教使翦之能無斃乎知其不忠則勿任而已

矣任以大柄又從而猜之鮮有不召亂者也



乙酉健卒

年三十九

諡曰景明皇帝廟號高祖丙戌太子生

即位

苻生字長生健第三子也

大赦改元壽光羣臣奏曰未踰年而

改元非禮也

古禮君薨世子即位既踰年而後稱元年

生怒窮推議主得右

僕射段純殺之

秋七月以吏部尚書周閔為左僕射

或告會稽王昱曰

會工外翻

武陵王第中大修器仗將謀非

常

武陵王晞也

昱以告太常王彪之彪之曰武陵王之志盡

於馳騁畋獵而已耳

騁丑郢翻

深願靜之以安異同之論勿

復以為言昱善之

為武陵終以此得禍彪之所不能救張本復扶又翻

秦主生

尊母彊氏曰皇太后立妃梁氏為皇后梁氏安之女也

以其嬖臣太子門大夫南安趙韶為右僕射

續漢志太子門大夫

二人職比郎將嬖卑義翻又博計翻

太子舍人趙誨為中護軍著作郎董

榮為尚書

涼王祚淫虐無道上下怨憤祚惡河州刺

史張瓘之彊

張駿置河州治枹罕惡烏路翻

遣張掖太守索孚代瓘守

枹罕

索管各翻枹音膚

使瓘討叛胡又遣其將易揣張玲帥步

騎萬三千以襲瓘

將即亮翻易讀如字姓也揣初委翻玲盧經翻帥讀曰率騎奇寄翻

張

掖人王鸞知術數言於祚曰此軍出必不還涼國將危

并陳祚三不道祚大怒以鸞為詆言

詆於驕翻

斬以徇鸞臨

刑曰我死軍敗於外王死於內必矣祚族滅之瓘聞之

斬孚起兵擊祚傳檄州郡廢祚以戾還第復立涼寧戾

曜靈

曜靈廢見上卷上年

易揣張玲軍始濟河瓘擊破之揣等單

騎奔還瓘軍躡之姑臧振恐驍騎將軍敦煌宋混兄修

與祚有隙懼禍

驍堅堯翻敦徒門翻

八月混與弟澄西走合衆萬

餘人以應瓘還向姑臧祚遣楊秋胡將曜靈於東苑拉

其晉而殺之

將如字拉盧合翻

埋於沙阮謚曰哀公秦主生

封衛大將軍黃耆為廣平王前將軍飛為新興王皆素

所善也徵大司馬武都王安領太尉

健臨沒以安督中外諸軍然尚在蒲

阪今生乃召之以

晉主柳為征東大將軍并州牧鎮蒲阪

阪音反

魏王廋為鎮東大將軍豫州牧鎮陝城

廋踈鳩翻陝失冉翻

中書

監胡文中書令王魚言於生曰比有星孛于大角熒惑

入東井大角帝坐東井秦分

天文志大角在攝提間大角者天王坐也東井八星

東井與鬼秦雍州分比毗至翻孛蒲內翻生狙臥翻分扶間翻

於占不出三年國有大

喪大臣戮死願陛下修德以禳之生曰皇后與朕對臨

天下可以應大喪矣毛太傅梁車騎梁僕射受遺輔政

可以應大臣矣九月生殺梁后及毛貴梁楞梁安貴后

之舅也右僕射趙韶中護軍趙誨皆洛州刺史俱之從

弟也

趙俱鎮宜陽事見上  
卷上年從才用翻

有寵於生乃以俱為尚書令

俱固辭以疾謂韶誨曰汝等不復顧祖宗

復扶  
又翻

欲為滅

門之事毛梁何罪而誅之吾何功而代之汝等可自為

吾其死矣遂以憂卒

卒于  
恤翻

涼宋混軍于武始大澤

張  
駿

分狄道縣立武始郡宋混西走起兵必不東向狄道水  
經都野澤在武威縣東北注云在姑臧城北三百里都

野即禹貢之豬野其水上承  
姑臧武始澤澤在姑臧西

為曜靈發哀

為于  
偽翻

閏月混

軍至姑臧涼王祚收張瓘弟琚及子嵩將殺之琚嵩聞  
之募市人數百揚言張祚無道我兄大軍已至城東敢  
舉手者誅三族遂開西門納混兵領軍將軍趙長等懼

罪

趙長請立祚  
者也故懼罪

入閣呼張重華母馬氏出殿立涼武侯

玄靚為主

靚疾疴翻  
又疾正翻

易揣等引兵入殿收長等殺之祚

案劔殿上大呼叱左右力戰

呼火  
故翻

祚素失衆心莫肯為

之闔者

為于  
偽翻

遂為兵人所殺混等集其首

集堅  
亮翻

宣示中

外暴尸道左城內咸稱萬歲以庶人禮葬之并殺其二

子混琚上玄靚為大將軍涼州牧西平公

上時掌翻

赦境內

復稱建興四十三年

張祚改建興年號見上卷上年

時玄靚始七歲張

瓘至姑臧推玄靚為涼王自為使持節都督中外諸軍

事尚書令涼州牧張掖郡公

使疏吏翻

以宋混為尚書僕射

隴西人李儼據郡不受瓘命用江東年號

用永和年號也

衆多

歸之

為李儼歸秦張本

瓘遣其將牛霸討之

將即亮翻

未至西平人

衛緄亦據郡叛

緄丑林翻

霸兵潰奔還瓘遣弟琚擊緄敗之

敗補  
邁翻

酒泉太守馬基起兵以應絃瓘遣司馬張姚王國

擊斬之

冬十月以豫州刺史謝尚督并冀幽三州

時江

左僑立青冀并  
幽四州於江北

鎮壽春

南渡初祖逖以豫州刺史治譙  
城永昌元年祖約退屯壽春成

帝咸和四年庾亮以豫州刺史治蕪湖咸康四年毛寶  
以豫州刺史治邾城六年庾翼以豫州刺史治蕪湖永

和元年趙盾以豫州刺史治牛渚二年尚以豫州刺史  
治蕪湖今進壽春皆建康西藩也進取則屯壽春守江

則多在歷陽  
蕪湖二處

鎮北將軍段龕與燕主雋書抗中表之

儀

雋段氏出也故龕與之抗  
中表之儀龕苦含翻下同

非其稱帝雋怒十一月以

太原王恪為大都督撫軍將軍陽騫副之以擊龕

騫音務



秦以辛牢守尚書令趙韶為左僕射尚書董榮為右

僕射中護軍趙誨為司隸校尉 十二月高句麗王釗

遣使詣燕納質修貢以請其母

句如字又音駒麗力知  
翻燕囚釗母見九十七

卷成帝咸康  
八年質音致

燕主雋許之遣殿中將軍刁龕送釗母周

氏歸其國以釗為征東大將軍營州刺史封樂浪公

樂浪

音洛

王如故

使為高句麗王如故

上黨人馮騫逐燕太守段剛

據安民城

魏收地形志燕上黨太守治安民城安民城  
在襄垣縣蓋永嘉中劉琨遣張倚所築以安

上黨之民  
因以為名

自稱太守遣使來降

使疏吏翻  
降戶江翻

秦丞相雷

弱兒性剛直以趙韶董榮亂政每公言於朝

朝直遙翻

見之

常切齒韶榮譖之於秦主生生殺弱兒及其九子二十

七孫於是諸羌皆有離心

雷弱兒南安羌首也以非罪而死故諸羌皆有離心

生

雖諒陰遊飲自若彎弓露刃以見朝臣錘鉗鋸鑿

錘傳追翻

鉗其廬翻  
鋸居御翻

可以害人之具備置左右即位未幾

幾居宣翻

后

妃公卿已下至於僕隸凡殺五百餘人截脛拉脅鋸頂

剗胎者比比有之

脛形定翻膝下骨直而長者拉廬合翻此簿必翻

燕主雋

以段龕方彊謂太原王恪曰若龕遣軍拒河不得渡者

可直取呂護而還

呂護時據夏王

恪分遣輕軍先至河上具舟

楫以觀龕志趣龕弟羆驍勇有智謀

驍堅堯翻

言於龕曰慕

容恪善用兵加之衆盛若聽其濟河進至城下恐雖乞

降不可得也

降戶江翻下同

請兄固守羆帥精銳拒之於河幸

而戰捷兄帥大衆繼之

帥讀曰率下同

必有大功若其不捷不

若早降猶不失為千戶侯也龕不從羆固請不已龕怒

殺之

十二年春正月燕太原王恪引兵濟河未至廣固百餘

里段龕帥衆三萬逆戰丙申恪大破龕於溜水

據載記  
恪破龕

於濟水之南今言未至廣固百餘里蓋在溜水而會戰也水經濁水逕廣固城西東流至廣饒入巨淀又北合

于溜水執其弟欽斬右長史袁範等齊王友辟閭蔚被創

段龕自稱齊王故置王友之官蔚紆勿翻創初良翻恪聞其賢遣人求之蔚已死

士卒降者數千人龕脫走還城固守恪進軍圍之秦

司空王墮性剛峻右僕射董榮侍中強國皆以佞幸進

墮疾之如讐每朝見榮未嘗與之言

每朝句絕朝直  
遙翻見如字

或

謂墮曰董君貴幸無比公宜小降意接之墮曰董龍是

何鷄狗

龍董榮  
小字

而令國士與之言乎會有天變榮與強

國言於秦主生曰

強其兩  
翻姓也

今天譴甚重宜以貴臣應之

生曰貴臣惟有大司馬及司空耳榮曰大司馬國之懿

親不可殺也

大司馬謂武都  
王安生叔父也

乃殺王墮將刑榮謂之曰

今日復敢比董龍於雞狗乎

復扶  
又翻

墮瞋目叱之

瞋七  
人翻

洛

州刺史杜郁墮之甥也左僕射趙韶惡之

惡烏  
路翻

諧於生

以為貳於晉而殺之壬戌生宴羣臣於太極殿以尚書

令辛牢為酒監酒酣生怒曰何不彊人酒而猶有坐者

監古暫翻  
強其兩翻

引弓射牢殺之

射而亦翻

羣臣懼莫敢不醉偃仆

失冠生乃悅

匈奴大人劉務桓卒弟闕頭立將貳於代

二月代王什翼犍引兵西巡臨河闕頭懼請降

犍居言翻闕於

葛翻降戶

燕太原王恪招撫段龕諸城

恪圍廣固未下故先招撫其統

江翻下同

內諸城

已丑龕所署徐州刺史陽都公王騰舉衆降恪命

騰以故職還屯陽都

段龕置徐州於琅邪陽都縣杜佑曰漢陽都縣故城在沂州沂水縣

南

秦征東大將軍晉王柳遣參軍閻負梁殊使於涼

以書說涼王玄靚

使疏吏翻下同說翰芮翻

負殊至姑臧張瓘見之

曰我晉臣也臣無境外之交二君何以來辱負殊曰晉

王與君隣藩雖山河阻絕風通道會

秦使符柳鎮蒲阪非與涼州鄰也故

以風通道會為言

故來修好

好呼到翻下同

君何怪焉瑾曰吾盡忠事

晉於今六世矣

軌賁茂駿重華曜靈祚為七世今言六世斥祚不以為世數

若與符

征東通使是上違先君之志下隳士民之節其可乎負

殊曰晉室衰微墜失天命固已久矣是以涼之二王北

面二趙唯知機也

張茂稱藩於前趙張駿稱藩於後趙

今大秦威德方盛

涼王若欲自帝河右則非秦之敵欲以小事大則曷若

捨晉事秦長保福祿乎瓘曰中州好食言

好呼到翻

嚮者石

氏使車適返而戎騎已至

使疏吏翻永和二年張重華嗣位遣使奉章於石虎虎繼

遣王擢來寇騎奇寄翻

吾不敢信也負殊曰自古帝王居中州者

政化各殊趙為姦詐秦敦信義豈得一槩待之乎

槩所以平

斗斛一槩待之言無所高下也

張先楊初皆阻兵不服先帝討而擒之

擒張先見九十八卷六年未嘗擒楊初也負殊姑為是言耳

赦其罪戾寵以爵秩固

非石氏之比也瓘曰必如君言秦之威德無敵何不先

取江南則天下盡為秦有征東何辱命焉負殊曰江南



文身之俗

古者荆蠻之俗斷髮文身以避蛟龍之害負殊以此斥言之耳是時衣冠文物皆在江南

且正朔所在也負殊吠堯刺由知各為其主而已

道汚先叛化隆後服

鄭玄曰汚猶殺

也易曰高宗伐鬼方三年克之世之說者以為荆楚輕悍道汚先叛化隆後服故負殊亦以此斥言江南主

上以為江南必須兵服河右可以義懷故遣行人先申

大好

好呼到翻

若君不達天命則江南得延數年之命而河

右恐非君之土也權曰我跨據三州

三州謂涼河沙張茂及張駿所分置

也者帶甲十萬西苞葱嶺東距大河伐人有餘況於自守

何畏於秦負殊曰貴州山河之固孰若穀函民物之饒

孰若秦雍

雍於用翻

杜洪張琚因趙氏成資兵彊財富有囊

括關中席卷四海之志先帝戎旗西指冰消雲散旬月

之間不覺易主

事見九十卷六年

主上若以貴州不服赫然奮

怒控弦百萬鼓行而西未知貴州將何以待之瓘笑曰

茲事當決之於王非身所了

了決也

負殊曰涼王雖英睿

夙成然年在幼冲君居伊霍之任國家安危繫君一舉

耳瓘懼乃以玄靚之命遣使稱藩於秦秦因玄靚所稱

官爵而授之將軍劉度攻秦青州刺史王朗於盧氏

盧氏縣漢屬弘農郡晉屬上洛郡唐屬虢州

燕將軍慕容興長卿入軹關攻秦

幽州刺史彊哲于裴氏堡

永嘉之亂裴氏舉宗據險築堡以自守後人因置屯戍

故堡猶有裴氏之名蓋在河東界長知兩翻

秦主生遣前將軍新興王飛拒

度建節將軍鄧羗拒長卿飛未至而度退羗與長卿戰

大破之獲長卿及甲首二千餘級桓溫請移都洛陽

修復園陵章十餘上

上時掌翻

不許拜溫征討大都督督司

冀二州諸軍事以討姚襄三月秦主生發三輔民治

渭橋

治直之翻

金紫光祿大夫程肱諫以為妨農生殺之

夏四月長安大風發屋拔木

風捲屋瓦掀簷桷為發屋

秦宮中驚擾

或稱賊至宮門晝閉五日乃止秦主生推告賊者剗出

其心左光祿大夫強平諫曰天降災異陛下當愛民事

神緩刑崇德以應之乃可弭也

弭止也

生怒鑿其頂而殺

之衛將軍廣平王黃耆前將軍新興王飛建節將軍鄧

羌以平太后之弟叩頭固諫生弗聽出黃耆為左馮翊

飛為右扶風羌行咸陽太守

前漢扶風渭城縣秦之咸陽也後漢晉省魏收地形

志咸陽郡治石安縣即漢渭城也石勒更名是郡蓋永嘉之後羣胡所置也

猶惜其驍勇故

皆弗殺

驍聖堯翻

五月太后彊氏以憂恨卒諡曰明德姚

襄自許昌攻周成于洛陽

周成襄據洛陽見上卷十年

六月秦主

生下詔曰朕受皇天之命君臨萬邦嗣統以來有何不

善而謗讟之音扇滿天下

杜預曰讟誹也讟徒木翻

殺不過千而謂

之殘虐行者比肩未足為希

希少也

方當峻刑極罰復如

朕何

復扶又翻

自去春以來潼關之西至於長安虎狼為暴

晝則繼道

言虎狼相繼於路也繼蜀本作斷

夜則發屋不食六畜

畜許又翻

專務食人凡殺七百餘人民廢耕桑相聚邑居而為害

不息秋七月秦羣臣奏請禳災

禳如羊翻除殃祭也

生曰野獸飢

則食人飽當自止何禳之有且天豈不愛民哉正以犯

罪者多故助朕殺之耳

史言苻生之虐甚於桀紂

丙子燕獻懷太

子曄卒

姚襄攻洛陽踰月不克長史王亮諫曰明公

英名蓋世兵彊民附今頓兵堅城之下力屈威挫或為

它寇所乘此危亡之道也襄不從桓溫自江陵北伐遣

督護高武據魯陽輔國將軍戴施屯河上自帥大兵繼

進

帥讀曰率下同

與寮屬登平乘樓

平乘樓大船之樓

望中原歎曰遂

使神州陸沉百年丘墟王夷甫諸人不得不任其責

王以

衍等尚清談而不恤王事以致中原板蕩也

記室陳郡袁宏曰

晉諸公諸從公府皆有記

室掌表疏

運有興廢豈必諸人之過溫作色曰咎劉景

升有千斤大牛噉芻豆十倍於常牛負重致遠曾不若

一羸犗

溫意以牛況宏徒能康俸祿而無經世之用劉表字景升噉使溫翻又徒覽翻羸倫為翻犗疾

置銅靴

魏武入荊州

漢獻帝建安十三年曹操入荊州

殺以享軍八月

已亥溫至伊水

伊水在洛陽城南

姚襄撤圍拒之匿精銳於水

北林中遣使謂溫曰承親帥王師以來襄今奉身歸命

願敕三軍小却當拜伏道左溫曰我自開復中原展敬

山陵無豫君事欲來者便前相見在近無煩使人

使疏吏翻

襄拒水而戰溫結陳而前

陳讀曰陣

親被甲督戰

被皮義翻

襄衆

大敗死者數千人襄帥麾下數千騎奔于洛陽北山

洛陽

北山北芒山也騎奇寄翻

其夜民弃妻子隨襄者五千餘人襄勇而

愛人雖戰屢敗民知襄所在輒扶老携幼奔馳而赴之

溫軍中傳言襄病創已死

創初良翻

許洛士女為溫所得者

無不北望而泣

史言姚襄得人心

襄西走溫追之不及弘農楊



亮自襄所來奔溫問襄之為人亮曰襄神明器宇孫策

之儔而雄武過之

儔等也類也

周成帥衆出降

降戶江翻下同

溫屯

故太極殿前既而徙屯金墉城己丑謁諸陵有毀壞者

修復之各置陵令

漢起陵邑邑各置令後遂因之諸陵各置陵令屬太常

表鎮西

將軍謝尚都督司州諸軍事鎮洛陽以尚未至留潁川

太守毛穆之督護陳午河南太守戴施以二千人戍洛

陽衛山陵徙降民三千餘家於江漢之間執周成以歸

姚襄奔平陽秦并州刺史尹赤復以衆降襄

尹赤叛襄見上卷八

年襄遂據襄陵

襄陵縣漢屬河東郡晉屬平陽郡後魏改襄陵為禽昌縣隋唐復曰襄陵秦

大將軍張平擊之

永和七年張平降秦已而二於燕通鑑以秦所授官擊之

襄為平

所敗

敗補遣翻

乃與平約為兄弟各罷兵

段龕遣其屬段

蕓來求救

蕓紆紛翻

詔徐州刺史荀羨將兵隨蕓救之羨至

琅邪

此古琅邪也

憚燕兵之彊不敢進王騰寇鄆城

鄆城縣漢屬東

郡晉屬濮陽此非古鄆城縣蓋僑縣也

羨進攻陽都會霖雨城壞獲騰斬

之

段龕署王騰為徐州刺史屯陽都時降于燕為燕來寇

冬十月癸巳朔日有

食之

秦主生夜食棗多旦而有疾召太醫令程延使

診之

診止尹翻  
候脉也

延曰陛下無它疾食棗多耳生怒曰汝

非聖人安知吾食棗遂斬之 燕大司馬恪圍段龕於

廣固諸將請急攻之恪曰用兵之勢有宜緩者有宜急

者不可不察若彼我勢敵外有彊援恐有腹背之患則

攻之不可不急若我彊彼弱無援於外力足制之者當

羈縻守之以待其斃兵法十圍五攻正謂此也

孫子曰  
用兵之

法十則圍之  
五則攻之

龕兵尚衆未有離心濟南之戰

即淄水之  
戰曰濟南

者以濟水南  
北大界言之

非不銳也但龕用之無術以取敗耳今憑

阻堅城上下勦力我盡銳攻之計數日可拔然殺吾士

卒必多矣自有事中原兵不斃息

斃與暫同

吾每念之夜而

忘寐奈何輕用其死乎要在取之不必求功之速也諸

將皆曰非所及也軍中聞之人人感悅於是為高牆深

塹以守之

塹七  
艷翻

齊人爭運糧以饋燕軍龕嬰城自守樵

采路絕城中人相食龕悉衆出戰恪破之於圍裏

時外築長

圍故戰於圍裏

先分騎屯諸門

屯廣固城諸門也騎奇寄翻

龕身自衝盪

盪徒

朗翻又他浪翻

僅而得入餘兵皆沒於是城中氣沮莫有固志

沮在  
呂翻

十一月丙子龕面縛出降并執朱禿送薊

降戶江  
翻薊音

計恪撫安新民悉定齊地徙鮮卑胡羯三千餘戶于薊

燕主雋具朱禿五刑

朱禿殺慕容鉤而奔龕見上卷十年

以段龕為伏順

將軍恪留慕容廆鎮廣固以尚書左丞鞠殷為東萊太

守章武太守鮮于亮為齊郡太守乃還殷彭之子也彭

時為燕大長秋以書戒殷曰王彌曹窺必有子孫

窺魚力翻

汝善招撫勿尋舊怨以長亂源

長知兩翻

殷推求得彌從子

立窺孫巖於山中請與相見深結意分

從才用翻下同分扶問翻

彭

復遣使遺以車馬衣服

復扶又翻  
遺于季翻

郡民由是大和

鞠彭  
自東

萊歸燕見九十一  
卷元帝大興二年

荀羨聞龕已敗退還下邳留將軍諸

葛攸高平太守劉莊將三千人守琅邪參軍譙國戴逯

等將二千人守泰山

楊正衡曰  
遼音遁

燕將慕容蘭屯汴城

汴城

即浚儀城余謂汴當作卞魯國卞縣城  
也劉昫曰兗州泗水縣卞縣古城也

羨擊斬之

詔

遣兼司空散騎常侍車灌等持節如洛陽修五陵

宣帝  
陵在

河陰首陽山景帝陵曰峻平文帝陵曰崇陽武帝陵曰峻陽惠帝陵曰太陽散悉亶翻騎寄寄翻車尺奢翻

十二月庚戌帝及羣臣皆服總臨於太極殿三日

總十  
五升

右抽去其半  
臨力爲翻

司州都督謝尚以疾不行以丹陽尹王

胡之代之胡之虞之子也

王虞王敦之從弟見八十九  
卷陸帝建興三年虞羊至劉

又逸  
職翻

是歲仇池公楊國從父俊殺國自立以俊為仇

池公國子安奔秦

其後秦用楊安以取  
仇池立即國之子邪

升平元年春正月壬戌朔帝加元服太后詔歸政大赦

改元太后從居崇德宮 燕主雋徵幽州刺史乙逸為

左光祿大夫逸夫婦共載鹿車子瑋從數十騎服飾甚

麗奉迎於道逸大怒閉車不與言到城深責之

到城謂  
到薊城

也永和八年燕王都薊於龍城置留臺以乙逸  
領留務蓋以幽州刺史鎮龍城也騎奇寄翻璋猶不

悛悛丑綠逸常憂其敗而璋更被擢任歷中書令御史

中丞被皮義翻逸乃歎曰吾少自修立少詩照翻克已守道僅能

免罪璋不治節儉專為奢縱治直之翻而更居清顯此豈惟

璋之忝幸實時世之陵夷也 二月癸丑燕主雋立其

子中山王暉為太子大赦改元光壽 太白入東井秦

有司奏太白罰星東井秦分分扶問翻必有暴兵起京師秦

主生曰太白入井自為渴耳為于偽翻何所怪乎 姚襄將



圖關中夏四月自北屈進屯杏城

北屈縣漢屬河東郡晉屬平陽郡師古曰

屈吾勿翻晉公子夷吾所居班志禹貢壺口山在北屈縣東南水經注北屈西距河十里孟門山在河上襄蓋

自北屈渡河而屯杏城五代志汾州昌寧縣有壺口山宋白曰慈州吉鄉縣漢北屈縣今縣北二十一里古城

即漢理魏收地形志澄城縣有杏城師古曰澄城漢馮翊之徵縣也徵音懲據載記杏城在馬蘭山北杜佑曰

姚萇置杏城鎮遣輔國將軍姚蘭略地敷城

敷城唐坊州廊城縣

是也後魏置敷城縣隋改曰廊城

曜武將軍姚益生

曜武將軍蓋趙石氏所署置

左

將軍王欽盧各將兵招納諸羌胡蘭襄之從兄

從才用翻益

生襄之兄也

胡及秦民歸之者五萬餘戶秦將苻飛

龍擊蘭擒之襄引兵進據黃落秦主生遣衛大將軍廣

平王黃眷平北將軍苻道龍驤將軍東海王堅

驤思將翻

建

節將軍鄧羌

漢魏之間置建節中郎將後以為將軍號

將步騎萬五千以禦

之襄堅壁不戰羌謂黃眷曰襄為桓溫張平所敗銳氣

喪矣

敗補邁翻喪息浪翻

然其為人彊狠

狠戶壑翻

若鼓譟揚旗直壓

其壘彼必忿恚而出

恚於避翻

可一戰擒也五月羌帥騎三

千壓其壘門而陳

帥讀曰率騎奇寄翻陳讀曰陣

襄怒悉衆出戰羌陽

不勝而走襄追之至于三原

三原在漢馮翊池陽縣界宋白曰苻堅於葭薊北置

三原護軍後周置三原縣

羌迴騎擊之黃眷等以大衆繼至襄兵大

敗襄所乘駿馬曰鰲眷

鰲音黎又音良脂翻黑而黃色曰鰲騮古瓜翻黃馬黑喙

曰馬倒秦兵擒而斬之弟萇帥其衆降

萇仲良翻降戶江翻

襄載

其父弋仲之柩在軍中

柩巨救翻在牀曰尸在棺曰柩

秦主生以王禮

葬弋仲於孤磐

孤磐在天水冀縣界

亦以公禮葬襄黃眷等還長

安生不之賞數衆辱黃眷

數所角翻

黃眷怒謀弑生發覺伏

誅事連王公親戚死者甚衆

戊寅燕主雋遣撫軍將軍

垂中軍將軍虔護軍將軍平熙帥步騎八萬攻敕勒於

塞北

新唐書曰敕勒其先匈奴也元魏時號高車部其後訛為鐵勒唐之鐵勒十五種是也載記作丁零

勅大破之俘斬十餘萬獲馬十三萬匹牛羊億萬頭

匈奴單于賀賴頭帥部落三萬五千口降燕

自東漢以來匈奴入

居塞內者凡十九種

燕人處之代郡平舒城

漢代郡有平舒縣勃

賀賴其一也單音蟬

海有東平舒縣東平舒後漢屬河間國晉屬章武國代郡之平舒未嘗改屬書代郡以別章武之平舒代郡之

平舒當在唐蔚之北界處昌呂翻

秦主生夢大魚食蒲

符氏本蒲家也故以夢魚

食蒲為異

又長安謠曰東海大魚化為龍男皆為王女為公

生乃誅太師錄尚書事廣寧公魚遵并其七子十孫金

紫光祿大夫牛夷懼禍求為荊州

秦荊州治  
豐陽川

生不許以

為中軍將軍引見調之曰

調徒彫翻  
調戲也

牛性遲重善持轅

軛

轅軛也轅前曰軛  
加之牛項軛音厄

雖無驥足動負百石夷曰雖服大

車未經峻壁願試重載乃知勲績

載才冉翻

生笑曰何其快

也公嫌所載輕乎朕將以魚公爵位處公

處昌呂翻

夷懼歸

而自殺生飲酒無晝夜或連月不出奏事不省往往寢

落

省悉景翻落當作格  
音閭留止不下曰格

或醉中決事左右因以為姦賞

罰無準或至申酉乃出視朝

朝直遑翻

乘醉多所殺戮自以

眇目諱言殘缺偏隻少無不具之類誤犯而死者不可

勝數

勝音升數所具翻

好生剥牛羊驢馬燂雞豚鵝帛

好呼到翻燂徐

康翻湯淪去其毛曰燂

縱之殿前數十為羣或剥人面皮使之歌

舞臨觀以為樂

樂音洛

嘗問左右曰自吾臨天下汝外間

何所聞或對曰聖明宰世賞罰明當

當丁浪翻

天下唯歌太

平怒曰汝媚我也引而斬之它日又問或對曰陛下刑

罰微過又怒曰汝謗我也亦斬之勲舊親戚誅之殆盡

羣臣得保一日如度十年東海王堅素有時譽

時譽者為時人

所稱美也

與故姚襄參軍薛讚權翼善讚翼密說堅曰

說輪芮翻

主上猜忍暴虐中外離心方今宜主秦祀者非殿下而

誰願早為計勿使他姓得之堅以問尚書呂婆樓婆樓

曰僕刀鏐上人耳

魏晉之間率以刀鏐築殺人言將為生所殺也或曰刀以鋒刃為用刀鏐

以上無所用之婆樓以自喻鏐戶闕翻

不足以辦大事僕里舍有王猛其

人謀略不世出

不世出者言世間不常生此人

殿下宜請而咨之堅因

婆樓以招猛一見如舊友語及時事堅大悅自謂如劉

玄德之遇諸葛孔明也

見六十五卷漢獻帝建安十二年

六月太史令

康權言於秦主生曰

姓譜曰康衛康叔之後亦西胡姓

昨夜三月並出

孛星入太微連東井

孛星蒲內翻

自去月上旬沈陰不雨以至

於今將有下人謀上之禍

此亦據洪範五行傳言之也沈持林翻

生怒以

為妖言撲殺之

妖於驕翻撲弼角翻

特進領御史中丞梁平老等

謂堅曰主上失德上下嗷嗷

嗷嗷衆口愁聲

人懷異志燕晉二

方伺隙而動

伺相吏翻

恐禍發之日家國俱亡此殿下之事

也宜早圖之堅心然之畏生趨勇未敢發

趨丘妖翻捷也

生夜

對侍婢言曰阿瀾兄弟亦不可信

阿傳讀從安入聲

明當除之



明謂明旦猶言明日也

婢以告堅及堅兄清河王濬濬與梁平老

及特進光祿大夫彊汪帥壯士數百潛入雲龍門

魏明帝起

洛陽宮宮城正南門曰雲龍門苻氏據長安亦以宮城正南門為雲龍門

帥讀曰率下同堅與呂婆

樓帥麾下三百人鼓譟繼進宿衛將士皆舍仗歸堅

舍讀

曰捨生猶醉寐堅兵至生驚問左右曰此輩何人左右曰

賊也生曰何不拜之堅兵皆笑生又大言何不速拜不

拜者斬之堅兵引生置別室廢為越王尋殺之謚曰厲

王年十二堅以位讓濬濬曰汝嫡嗣且賢宜立

堅母荀氏雄之元妃

故謂堅  
為嫡嗣

堅曰兄年長宜立

長知兩翻

堅母苟氏泣謂羣臣曰

社稷事重小兒自知不能它日有悔失在諸君羣臣皆

頓首請立堅堅乃去皇帝之號

去羌呂翻

稱大秦天王即位

於太極殿

符堅字永固雄之子也

誅生倖臣中書監董榮左僕射

趙韶等二十餘人大赦改元永興追尊父雄為文桓皇

帝母苟氏為皇太后妃苟氏為皇后世子宏為皇太子

以清河王瀧為都督中外諸軍事丞相錄尚書事東海

公諸王皆降爵為公以從祖右光祿大夫永安公侯為

太尉晉公柳為車騎大將軍尚書令

從才用翻  
騎奇寄翻

封弟融

為陽平公雙為河南公子丕為長樂公

樂音洛

暉為平原

公熙為廣平公叡為鉅鹿公以漢陽李威為左僕射

李威

於堅母有辟陽之寵故擢用之

梁平老為右僕射彊汪為領軍將軍呂

婆樓為司隸校尉王猛為中書侍郎融好文學

好呼到翻

明

辨過人耳聞則誦過目不忘力敵百夫善騎射擊刺少

有令譽

少詩照翻

堅愛重之常與共議國事融經綜內外刑

政修明薦才揚滯補益弘多

弘大也

丕亦有文武才幹治

民斷獄皆亞於融

史言堅有弟有子如此而無救於敗亡明天之所弃非人之所能支也治

直之翻斷  
丁亂翻

威苟太后之姑子也素與魏王雄友善生屢

欲殺堅賴威營救得免威得幸於苟太后堅事之如父

威知王猛之賢常勸堅以國事任之堅謂猛曰李公知

君猶鮑叔牙之知管仲也

管仲少與鮑叔牙遊鮑叔知其賢善遇之管仲曰吾始困

時與鮑叔賈分財多自與鮑叔不以我為貪知我貧也吾嘗為鮑叔謀事而更窮困鮑叔不以我為愚知時有利不利也吾嘗三仕三見逐鮑叔不以我為不肖知我不遭時也吾嘗三戰三北鮑叔不以我為怯知我有老母也公子糾敗召忽死之吾幽囚受辱鮑叔不以我為無耻知我不羞小節而耻功名不顯于天下也生我者

父母知我猛以兄事之燕主雋殺段龕阮其徒三千

餘人

龕苦含翻

秋七月秦大將軍冀州牧張平遣使請降

降

戶翻

拜并州刺史

八月丁未立皇后何氏后故散騎

侍郎廬江何準之女也

散悉亶翻騎奇寄翻

禮如咸康而不賀

帝成

咸康二年

立杜后

秦王堅以權翼為給事黃門侍郎

權翼仕秦久當

事任而卒歸姚氏料其受苻堅信用雖不為莊舄之越吟固隱之於心也

薛讚為中書侍郎

與王猛並掌機密九月追復太師魚遵等官以禮改葬

子孫存者皆隨才擢叙

張平據新興雁門西河太原

上黨上郡之地壁壘三百餘夷夏十餘萬戶

壁壘蓋時遭亂離豪

望自相保聚所築者石氏用張平為并州故得有其地有其民夏戶雅翻

拜置征鎮欲與燕

秦為敵國

石氏之敗平兩附燕秦今恃其彊欲與燕秦為敵國

冬十月平寇略秦

境

平蓋問秦之有內難也安知由是而敗亡乎

秦王堅以晉公柳都督并冀

州諸軍事加并州牧鎮蒲阪以禦之十一月癸酉燕

主雋自薊徙都鄴

薊音計

秦太后苟氏遊宣明臺見東

海公灋之第門車馬輻湊恐終不利於秦王堅乃與李

威謀賜法死堅與法訣於東堂慟哭嘔血謚曰獻哀公

封其子陽為東海公數為清河公

為後陽謀復讐張本

十二月

乙巳燕主雋入鄴宮大赦復作銅雀臺

魏武建國於鄴作銅雀臺石氏

增修之兵亂圯毀募容都鄴復作使如舊

以太常王彪之為左僕射秦

王堅行至尚書以文案不治

治直之翻

免左丞程卓官以王

猛代之堅舉異材修廢職課農桑恤困窮禮百神立學

校旌節義繼絕世秦民大悅

史言符堅能用王猛以治秦校戶教翻

二年春正月司徒昱稽首歸政

稽音啓

帝不許初馮騫

既以上黨來降

見上永和十一年

又附於張平又自歸於燕既

而復叛燕

復扶又翻

二月燕司徒上庸王評討之不克秦

王堅自將討張平

將即亮翻

以鄧羌為前鋒督護帥騎五千

軍于汾上

汾水之上也帥讀曰率騎奇寄翻

平使養子蚝禦之

蚝七蚝吏翻

多力趨捷

趨丘妖翻

能曳牛却走城無高下皆可超越與羌

相持旬餘莫能相勝三月堅至銅壁

河汾之間有銅川其民遇亂築壘壁

以自守因曰銅壁

平盡衆出戰蚝單馬大呼出入秦陳者四五

呼火故翻陳讀曰陣

堅募人生致之鷹揚將軍呂光刺蚝中之

刺七

亦翻中竹仲翻

鄧羌擒蚝以獻平衆大潰平懼請降

降戶江翻下同

堅



拜平右將軍以蚝為虎賁中郎將

賁音奔將即亮翻下同

蚝本姓

弓

姓譜弓姓魯叔弓之後

上黨人也堅寵待甚厚常置左右秦人

稱鄧羌張蚝皆萬人敵光婆樓之子也堅徙張平部民

三千餘戶于長安 甲戌燕主雋遣領軍將軍慕輿根

將兵助司徒評攻馮騫根欲急攻之評曰騫壁堅不如

緩之根曰不然公至城下經月未嘗交鋒賊謂國家力

止於此遂相固結冀幸萬一

言騫心倏倖於萬一可以保城也

今根兵

初至形勢方振賊衆恐懼皆有離心計慮未定從而攻

之無不克者遂急攻之鵞與其黨果相猜忌鵞奔野王

依呂護其衆盡降 夏四月秦王堅如雍祠五時六月

如河東祠后土

用漢禮也雍於用翻時音止

秋八月豫州刺史謝

奕卒奕安之兄也司徒昱以建武將軍桓雲代之雲溫

之弟也訪於僕射王彪之彪之曰雲非不才然溫居上

流已割天下之半其弟復處西藩

東晉豫州鎮江西建康在江東故以豫州

為西藩復扶又翻處昌呂翻下同

兵權萃於一門非深根固蒂之宜人

才非可豫量

量音良

但當令不與殿下作異者耳昱領之

曰君言是也壬申以吳興太守謝萬為西中郎將監司

豫冀并四州諸軍事豫州刺史

司豫冀并所統皆僑郡也監工銜翻

王羲

之與桓溫賤曰謝萬才流經通

言其才具可以經世於時人流輩中為通達也

使之處廊廟固是後來之秀今以之俯順荒餘近是違

才易務矣

言邊郡兵民皆兵荒之餘彫瘵未蘇而獷悍難調當俯就而柔順之今萬非其才而用之

則為違才務事也以萬之才可以處廊廟而使之處邊鄙則為易事處昌呂翻近其靳翻

又遺萬書

曰

遺于季翻

以君邁往不屑之韻而俯同羣碎誠難為意也

言其矜高不屑軍中之細務也

然所謂通識正當隨事行藏耳願君每

與士卒之下者同甘苦則盡善矣萬不能用徐充二州

刺史荀羨有疾以御史中丞郝曇為軍司

曇徒舍翻為萬曇皆不勝

其任張本

考異曰帝紀謝萬為豫州下云郝曇為北

中郎將督五州軍事徐充二州刺史曇傳云荀羨有疾

以曇為軍司頃之羨徵還除曇北中郎將都督刺史按

帝紀十二月北中郎將荀羨及慕容嵩戰于山茝王師

敗績燕書十二月荀羨寇泰山殺太守賈堅載記荀羨

殺賈堅下云敗羨復陷山茝故知八月曇未為徐充二

州恐始為

曇鑒之子也

九月庚辰秦王堅還長安以

軍司耳

太尉侯守尚書令

永安公

於是秦大旱堅減膳徹樂命

后妃以下悉去羅紈

師古曰紈素今之絹也去羌呂翻

開山澤之利公

私共之息兵養民旱不為災王猛日親幸用事宗親勲

舊多疾之特進姑臧侯樊世本氏豪佐秦主健定關中

謂猛曰吾輩耕之君食之邪猛曰非徒使君耕之又將

使君炊之世大怒曰要當懸汝頭於長安城門不然吾

不處世

處昌  
呂翻

猛以白堅堅曰必殺此老氏然後百寮可

肅會世入言事與猛爭論於堅前世欲起擊猛堅怒斬

之於是羣臣見猛皆屏息

屏氣不敢息也氣一  
出入為息屏必郢翻

趙之

亡也其將張平李歷高昌皆遣使降燕已而降晉又降

秦各受爵位欲中立以自固

李歷高昌初降晉張平降秦永和七年也八年歷昌

降秦是年又與張平俱降燕苻生死後張平又降晉各受爵位將即亮翻使疏吏翻降戶江翻

燕主雋

使司徒評討張平於并州司空陽鶩討高昌於東燕樂

安王臧討李歷於濮陽鶩攻昌別將於黎陽不拔歷奔

滎陽其衆皆降并州壁壘百餘降於燕雋以右僕射悅

綰為并州刺史以撫之平所署征西將軍諸葛驤等帥

壁壘百三十八降於燕

驤思將翻帥讀曰率下同

雋皆復其官爵平

帥衆三千奔平陽復請降於燕

復扶又翻

冬十月泰山太

守諸葛攸攻燕東郡入武陽

後漢東郡治東武陽武帝咸康二年封子允以東不

可為國名而東郡有濮陽縣改曰濮陽國允改封淮南還曰東郡趙王倫篡位廢太孫臧為濮陽王東郡遂名

濮陽此蓋燕復名東郡晉志武陽縣分屬陽平郡劉昭曰魏州朝城縣隋武陽縣地天寶七年更名

燕主

雋遣大司馬恪統陽鶩及樂安王斌之兵以擊之攸敗

走還泰山恪遂渡河略地河南分置守宰燕主雋欲

經營秦晉十二月令州郡校實見丁

校實檢校其實數也見賢遍戶

戶

留一丁餘悉發為兵欲使步卒滿一百五十萬期來春

大集洛陽武邑劉貴上書極陳百姓彫弊發兵非法

法未

有戶留一丁而悉發為兵者

必致土崩之變雋善之乃更令三五發

兵寬其期日以來冬集鄴時燕調發繁數

調徒帛翻數所為翻

官

司各遣使者道路旁午郡縣苦之太尉領中書監封奕

請自今非軍期嚴急不得遣使

使疏吏翻

自餘賦發皆責成

州郡其羣司所遣彈督在外者一切攝還

攝收也追也

雋從

之燕泰山太守賈堅屯山茌

山茌即前漢之茌縣屬泰山郡後漢改曰山茌

茌仕疑翻

荀羨引兵擊之堅所將纔七百餘人

將即亮翻

羨兵十

倍於堅堅將出戰諸將皆曰衆少不如固守

少詩沼翻

堅曰



固守亦不能免不如戰也遂出戰身先士卒

先悉薦翻

殺美

兵千餘人復還入城

復扶又翻下同

美進攻之堅歎曰吾自結

髮志立功名而每值窮阨豈非命乎

堅欲折其鋒使美懼而退耳美進攻

之堅計窮矣

與其屈辱而生不若守節而死乃謂將士曰今

危困計無所設卿等可去吾將止死將士皆泣曰府君  
不出衆亦俱死耳乃扶堅上馬堅曰我如欲逃必不相

遣今當為卿曹決鬪

為于偽翻

若勢不能支卿等可趣去

趣讀

促曰勿復顧我也乃開門直出美兵四集堅立馬橋上左

右射之

射而亦翻

皆應弦而倒，義兵衆多，從塹下斫橋。堅人

馬俱陷，生擒之，遂拔山往。

塹七豔翻

義謂堅曰：「君父祖世為

晉臣，奈何背本不降？」

背蒲妹翻降戶江翻下同

堅曰：「晉自弃中華，非

吾叛也。」

堅發此言江東將相其愧多矣

民既無主，彊則託命。既已事人，

安可改節？吾東脩自立。」

謂從師就學便有志於自立朱子曰脩脯也十脰為東古者從

師必以東脩為禮

涉趙、歷、燕，未嘗易志。

堅不降燕見九十八卷永和七年

君何

忽忽相謂降乎？義復責之。

復扶又翻

堅怒曰：「豎子兒女，御乃

公也。」

自稱為乃公慢義而孩視之也曰御者言若駕御兒女然

義怒，執置雨中數日。堅

憤惋而卒

惋烏貫翻

燕青州刺史慕容塵遣司馬悅明救泰

山羨兵大敗燕復取山荏燕主雋以賈堅子活為任城

太守

任音壬

荀羨疾篤徵還以郗曇為北中郎將都督徐

兗青冀幽五州諸軍事

五州惟徐州有實土郗丑之翻曇徒含翻

徐兗二州

刺史鎮下邳燕吳王垂娶段末柸女生子令寶段氏

才高性烈自以貴姓

段與慕容本抗衡之國故自以為貴姓

不尊事可足

渾后可足渾氏銜之燕主雋素不快於垂

事見上卷永和十年

中

常侍湼皓

湼乃結翻姓也

因希旨告段氏及吳國典書令遼東

高弼為巫蠱欲以連汙垂

晉制王國置典書典祠學官今慕容氏因之典書令天朝

吏部尚書之職齊王攸傳國相上長吏缺典書令請求差選是也西晉典書令在常侍侍郎上及渡江則侍郎

次常侍而典書令居三卿下汙烏故翻

雋收段氏及弼下大長秋廷尉考

驗

下選緣翻

段氏及弼志氣確然終無撓辭掠治日急

撓奴教翻

掠音亮治直之翻

垂愍之私使人謂段氏曰人生會當一死何

堪楚毒如此不若引服

引服自引而誣服也

段氏歎曰吾豈愛死

者耶若自誣以惡逆上辱祖宗下累於王

累力瑞翻

固不為

也辯答益明故垂得免禍而段氏竟死於獄中出垂為

平州刺史鎮遼東垂以段氏女弟為繼室可足渾氏黜

之以其妹長安君妻垂垂不悅由是益惡之

為慕容垂出奔張本

妻七細翻  
惡烏路翻

匈奴劉閼頭部落多叛懼而東走乘冰度

河半度而冰解後衆悉歸劉悉勿祈閼頭奔代

代在北河之東

關於焉翻  
又於葛翻

悉勿祈務桓之子也

務桓卒見本卷  
永和十二年

三年春二月燕主雋立子泓為濟北王

濟子禮翻

冲為中山

王燕人殺段勤勤弟思來奔

段勤降燕見上  
卷永和八年

燕主

雋宴羣臣于蒲池

蒲池在鄴

語及周太子晉

周靈王之太子曰晉慧而早卒

國語諫壅穀洛者即晉也晉既卒弟貴立是為景王景王崩而子朝子丐爭立周遂以亂

曰潛所才子難得自景先之亡燕太子曄字景先吾鬢髮中白

毛晃曰中直衆翻半也卿等謂景先何如司徒左長史李績對曰

獻懷太子之在東宮曄諡曰獻懷臣為中庶子晉志曰太子中庶子職如

侍中太子志業敢不知之太子大德有八至孝一也聰敏

二也沈毅三也疾諛喜直四也沈持林翻好學五也多

藝六也謙恭七也好施八也好呼到翻雋曰卿譽之雖

過譽音然此兒在吾死無憂矣景茂何如燕太子曄字景茂時

太子暉侍側續曰皇太子天資岐嶷

嶷魚力翻毛萇曰岐知意也嶷識也

雖八德已聞而二闕未補好遊畋而樂絲竹

樂五教翻

此其

所以損也雋顧謂暉曰伯陽之言藥石之惠也

李績字伯陽

汝宜誠之暉甚不平

為李績以憂卒張本

雋夢趙王虎齧其臂

齧魚

結翻

乃發虎墓求尸不獲購以百金鄴女子李萇知而告

之

萇同都翻

得尸於東明觀下

水經注洹水東北流逕鄴城南又更分為二水北逕東明

觀下觀古玩翻

僵而不腐雋跼而罵之曰

僵居良翻踣與踏同

死胡何敢

怖生天子數其殘暴之罪而鞭之投於漳水尸倚橋柱

不流

水經注漳水逕紫陌西趙建武十一年造紫陌浮橋慕容嵩投石虎尸處也怖普布翻數所具翻

及秦滅燕王猛為之誅李萑收而葬之

史終言之為于偽翻

秦

平羌護軍高離據略陽叛永安威公侯討之未克而卒

夏四月驍騎將軍鄧羌

驍堅羌翻

秦州刺史啖鐵討平之

啖徒

覽翻氏姓也

匈奴劉悉勿祈卒弟衛辰殺其子而代之

五月秦王堅如河東六月大赦改元甘露涼州牧張

瓘猜忌苛虐專以愛憎為賞罰郎中殷郇諫之

郇須倫翻瓘

曰虎生三日自能食肉不須人教也由是人情不附輔



國將軍宋混性忠鯁瑾憚之欲殺混及弟澄因廢涼王

玄靚而代之

靚疾正翻又疾郢翻

徵兵數萬集姑臧混知之與澄

帥壯士楊和等四十餘騎奄入南城

王隱晉書曰涼州城有龍形故曰臥

龍城南北七里東西二里本匈奴所築後張氏世居之

又增築四城箱各千步并舊城為五又據張駿傳駿於

姑臧城南築作五殿四面各依方色四時通居

宣告諸

之則南城張氏所居也帥讀曰率騎奇寄翻

營曰張瑾謀逆被太后令誅之

被皮義翻

俄而衆至二千瑾

帥衆出戰混擊破之瑾麾下玄臚刺混不能穿甲

玄姓也風

俗通古諸侯有玄都國臚

混擒之瑾衆悉降

降戶江翻

瑾與

陵如翻刺七亦翻下同

弟琚皆自殺混夷其宗族玄靚以混為使持節都督中

外諸軍事驃騎大將軍酒泉郡侯代瓘輔政

驃匹妙翻

混乃

請玄靚去涼王之號

張祚始稱涼王見九十九卷永和十年張瓘推玄靚為涼王見上十

一年去羌呂翻

復稱涼州牧混謂玄臚曰卿刺我幸而不傷今

我輔政卿其懼乎臚曰臚受瓘恩唯恨刺節下不深耳

竊無所懼混義之任為心膂高昌不能拒燕秋七月

自白馬奔滎陽秦王堅自河東還以驍騎將軍鄧羌

為御史中丞

驍堅羌翻

八月以咸陽內史王猛為侍中中書

令領京兆尹特進光祿大夫彊德太后之弟也

彊太后秦主健

之后 酗酒豪橫

酗吁句翻孔安國曰以酒為凶曰酗賈公彥曰據字酒旁為凶是因酒為凶者

也橫 戶

掠人財貨子女為百姓患猛下車收德奏未及

孟翻

報已陳尸於市堅馳使赦之不及與鄧羌同志疾惡糾

案無所顧忌數旬之間權豪貴戚殺戮刑免者二十餘

人朝廷震栗姦猾屏氣

屏必郭翻

路不拾遺堅歎曰吾今始

知天下之有灋也 泰山太守諸葛攸將水陸二萬擊

燕

將即亮翻下同

入自石門屯于河渚燕上庸王評長樂太守

傳顏帥步騎五萬與攸戰于東吳攸兵大敗

樂音洛帥讀白率騎

奇寄翻

冬十月詔謝萬軍下蔡郗曇軍高平以擊燕萬矜

豪傲物但以嘯詠自高未嘗撫衆兄安深憂之謂萬曰

汝為元帥

帥所類翻下同

宜數接對諸將以悅其心

數所角翻

豈有

傲誕如此而能濟事也萬乃召集諸將一無所言直以

如意指四坐云諸將皆勁卒諸將益恨之

如意鐵如意也坐祖臥翻

凡奮身行伍者以兵與卒為諱既為將矣而稱之為卒所以益恨也

安慮萬不免乃自隊

帥以下無不親造厚相親託

造七到翻晉史言安性遲緩而為其弟慮乃周密如

此宜其能為晉室內消桓  
溫之變外破苻秦之師也  
既而萬帥衆入渦潁以援洛

陽  
渦水至山桑入淮潁水至下蔡入淮  
謝尚之兵自下蔡而入渦潁之間  
郗曇以病退屯

彭城萬以為燕兵大盛故曇退即引兵還衆遂驚潰  
進

易退師難是以善將者欲退師必廣為方畧而後  
引退不唯防敵人之追截亦慮已衆之驚潰也  
萬狼

狽單歸軍士欲因其敗而圖之以安故而止既至詔廢

萬為庶人降曇號建武將軍於是許昌潁川譙沛諸城

相次皆沒於燕  
秦王堅以王猛為吏部尚書尋遷太

子詹事十一月為左僕射餘官如故  
十二月封武陵

王晞子璿為梁王

璿與璿同音津

大旱 辛酉燕主雋寢疾

謂大司馬太原王恪曰吾病必不濟今二方未平

二方謂晉

秦也景茂冲幼國家多難吾欲效宋宣公以社稷屬汝

難乃

旦翻宋宣公舍其子與夷而立其弟穆公屬之欲翻

何如恪曰太子雖幼勝殘致

治之主也

勝音升治直之翻

臣實何人敢干正統雋怒曰兄弟

之間豈虛飾邪恪曰陛下若以臣能荷天下之任者豈

不能輔少主乎

荷下可翻少詩照翻

雋喜曰汝能為周公吾復何

憂

復扶又翻

李績清方忠亮汝善遇之

關

召吳王垂

還鄴

自遼東呂還也

秦王堅以王猛為輔國將軍司隸校尉

居中宿衛僕射詹事侍中中書令領選如故

選須

猛上

疏辭讓因薦散騎常侍陽平公融光祿散騎西河任羣

光祿散騎以光祿大夫為散騎常侍也最悉重翻騎奇寄翻任音壬處士京兆朱彤自代

處昌呂翻堅不許而以融為侍中中書監左僕射任羣為光

祿大夫領太子家令

晉志曰太子家令主刑獄穀貨飲食職比司農少府

朱彤為

尚書侍郎領太子庶子

漢制尚書有侍郎三十六人尚書郎初從三署詣臺試守尚書

郎中歲滿稱尚書郎三年稱侍郎晉志曰庶子職比散騎常侍中書監令朱彤當作朱彤猛時年三

十六歲中五遷

猛自尚書左丞遷咸陽內史又遷侍中  
中書令領京兆尹又遷吏部尚書尋遷

太子詹事為左僕射及今凡五遷

權傾内外人有毀之者堅輒罪之於

是羣臣莫敢復言

復扶又翻

以左僕射李威領護軍右僕射

梁平老為使持節都督北垂諸軍事鎮北大將軍戍朔

方之西

使疏吏翻

丞相司馬賈雍為雲中護軍戍雲中之南

燕所徵郡國兵悉集鄴城

去年所徵今乃悉集



資治通鑑卷一百